

# *LESWAO LA GODIMODIMO*



A re rapeleng.

Tate wa Legodimong, re leboga Wena kudu, bošegong bjo, gore Wena o sa le KE NNA yo mogolo, e sego “Ke be ke le” goba “ke tla ba.” Wena o lebaka la bjale, Modimo wa rena. Gomme O a swana maabane, lehono, le go ya go ile, Modimo wa go se fetoge. Re leboga Wena ka gore re na le monyetla wo wa go tseba se, se se utolotšwego go rena ka Moya wo Mokgethwa. Gomme O re tswaleletše ka Mmušong wa Modimo, le Yena, ka Seka seo A re tlogeletšego sona. Re Se thabetše kudu. Re šegofatše, bošegong bjo, ge re Go letetše. Leineng la Jesu re a rapela. Amene.

Le ka dula.

<sup>2</sup> Ke na le, go no bea di se kae tša disakatuku tše godimo ka lehlakoreng mo, feela... Re ya go rapelela balwetši, lebaka la mašego ka moka, Morena ge a rata. Re ya go dira. Golebjalo, ke boditše Billy gore o be a le thari gannyane, bošegong bjo, gomme ga se a hwetše go fa dikarata tša thapelo, eupša efela re naganne re ka e dira ge mohlomongwe ke be ke dira pitšo ya aletara, goba se sengwe, re ka e dira.

<sup>3</sup> Bjale yo mongwe le yo mongwe o ikwela gabotse? [Phuthego e re, “Amene.”—Mor.] Seo se kaone. Ka kgonthé ke—ke thakgetše go kwa seo.

<sup>4</sup> Bjale, ke a dumela go tsebišitše gore difihlolo tša Banna ba Kgwebo di mosong. Ke a dumela gore ba, ke, ba tsebišitše nako, le go ya pele. Bjale a re itokišeng bakeng sa e ka ba eng Morena a tla ratago re e dira. Re a lemoga gore bjo ke bošego bjo e ka ba eng e ka diregago, kafao re nyaka go lokela yona, gomme ka pela re tsena ka go Molaetša. Kafao, gosasa re ne letšatši la go emaema ka kgonthé.

<sup>5</sup> Gomme Lamorena, bjalo ka Lamorena mosong, ke a nagana ke swanetše go bolela fa ka morago ga sekolo sa Lamorena, Lamorena mosong; le Lamorena bošego. Kafao, le laletšwa go dikopano tše tšohle. Ge, nnete, ge o na le lefelo la mošomo felotsoko, le o swanetše go ba fao, gabotse, re ka se nyake le foše leo.

<sup>6</sup> Ke na le monyanya, nako ye nngwe, e ka ba gosasa goba letšatši la go latela. Lamorena mosong, ee, ke swanetše go nyadiša baratani go tšwa tabarenekeleng ya ka. Gomme kafao re letetše go bona se gape.

<sup>7</sup> Gomme bjale re rapedišeng ge re leka go bala le lengwe la Lentšu la Modimo feela bjale, le go tsena thwi ka go Molaetša, ka pela. Ba nyakile ke tle ka pela ka lebaka la lešaba le le emego.

Gomme kafao re tla bala go tšwa go Jesaya, tema ya 7. Ke nyaka go bala, go thoma go temana ya 10.

*Ka go fetiša MORENA o boletše . . . go Ahasi a re,*

*Wena kgopela leswao go MORENA Modimo wa gago; le kgopele e ka ba ka mabotebong, goba ka mabogodimong godimo.*

*Gomme Ahasi o rile, nka se kgopele, le bile nka se leke MORENA.*

*Gomme o rile, Kwang lena . . . O ntlo ya Dafida; Ke selo se sennyane go lena go banna ba ba lapilego, eupša a le tla lapiša Modimo wa ka gape?*

*Kagona MORENA yenamong o tla le fa leswao; Bonang, kgarebe e tla ima, gomme ya belega morwa, gomme ba tla bitša leina la gagwe Imanuele.*

<sup>8</sup> Ge nka bitša se bakeng sa thuto, bošegong bjo, go bolela ka dinakwana di se kae, go dinoutse tsoko tše ke di ngwadilego fase morago ga sekglela se mo, ke tla rata go bolela ka . . . go tšeа thuto ya, *Leswao La Godimodimo*.

<sup>9</sup> Le a tseba, le ke letšatši la godimodimo, se sengwe le se sengwe ke sa godimodimo. Gomme re bona gore le—le legadima la foroko ka mafaufaung ka bošego bja maru, ka kgontha le re tsebiša gore go ka ba seetša ka leswiswing. Re lemoga seo.

<sup>10</sup> Modimo o tsebile bofelo go tloga mathomong, kagona O kgonne go beakanya se sengwe le se sengwe, gore se tla šoma feela go letago la Gagwe. Gomme seo se re fa tlhohleletšo, go tseba gore ga go kgathale ke eng e tloga goba e sepelago, Modimo o dira se sengwe le se sengwe, sešupanako se bethabatha feela tlwa mo nakong.

<sup>11</sup> Dinako tše dingwe re a lapa, re nyamile. Re a hlaganelia. Re a nagana, “Oo, re swanetše go dira se, goba go dira sela.”

<sup>12</sup> Eupša, elelwang, sešupanako sa Modimo se tla no ba tlwa mo nakong. Dilo tšohle tše di swanetše go ba ka tsela ye. Yohle e swanetše go dirwa go ya ka tsebo ya Gagwe ye kgolo, tsebelopele ya Gagwe, ka gore ka tsebelopele O kgonne go kgethelapele; e sego ka kganyogo ya Gagwe, eupša ka tsebo ya Gagwe. Modimo ga a kgethelepele ka tumo ya Gagwe. Ga A rate gore e ka ba mang a lahlege, eupša ka tsebelopele ya Gagwe O tsebile ke mang a tla e amogelago le ke mang a ka se kego. Kagona A ka dira se sengwe le se sengwe go šoma go ya ka sešupanako sa Gagwe se segolo sa nako seo se bethabethago, gobane O kgonne go bolelapele bofelo go tloga mathomong. Gomme, kagona, O tsebile gore re tla phela mo letšatšing le. O tsebile gore le e tla ba letšatši la rena. O bile le dipolane tša letšatši le. O bile le dipeakanyo tša letšatši le lengwe le le lengwe. Gomme ga se nke le e tee ya dipolane tša Gagwe e kile ya šitwa. O mo nakong ka mehla.

<sup>13</sup> Gomme se ke se re se bitšago lebaka la godimodimo. Se sengwe le se sengwe seo o se bonago matšatšing a se swanetše go ba “godimodimo,” goba se ka se ye godimo, ge o se ne se sengwe sa godimodimo, gobane ke lebaka la godimodimo. Ba bile le lebaka la bona, gomme ba bile, bjale ba na le lebaka la godimodimo, se sengwe le se sengwe re se bonago.

<sup>14</sup> O ka se kgone go ya tlase lebenkeleng la khona gape, gomme wa hwetša poloko ye kgolo ya tshese e robetše godimo kua go swana le ka fao o bego o dira. Gomme—gomme ka tsela ye go bego go eba, mabenkele a kgale a khona, ge ebile o bile le dijo di kile tša ba gabotse bjalo, yo mongwe le yo mongwe o nyaka go ya go wa maemo, mmaraka wa sefehlamoya, o bitšwago suphamakete. Ba swanetše go ya kua le ge ba lefa bontši bakeng sa dijo tša bona. Ba swanetše go ya suphamakete. Yeo ke nnete. Gobane ke ya godimodimo. Le a bona? Yo mongwe le yo mongwe o nyaka se sengwe sa godimodimo.

<sup>15</sup> Gomme, lehono, o ka se kgone go tšea sefatanaga sa mehleng. Mmotlolo-T wa kgale o tla thulwa, ntle mokgotheng bjale. Ba na le koloi ya godimodimo. Ford e swanetše go ba direla ya godimodimo. Chevy e swanetše go ba direla ya godimodimo. Ka moka ga bona, ba letetše go dula ka mokitimong, ba swanetše go ba direla sa godimodimo. Se sengwe le se sengwe ke sa godimodimo, sa godimodimo, sa godimodimo.

<sup>16</sup> Ka morago ga lebakana, re tla go lebaka la sebakabakeng. Bjale ba bile le sefofane sa go fehlwa. Ka gona, selo sa pele le a tseba, ba tla mmogo ka tšete. Gomme bjale ba na le tšete ya godimodimo. Le a bona, e swanetše go ba ya godimodimo. Ge e sa dire, ga e—ga e ka nakong. Se sengwe le se sengwe ka go lebaka le se swanetše go ba sa godimodimo.

<sup>17</sup> Re be re fela re eba le ditselalephefo re bego re di sepela, bjale le na le ditselalephefo tša godimodimo. E swanetše go ba methaladi ye mene goba ye mehlano e ya ka tsela e tee, gomme methaladi ye mene goba ye mehlano e etla ka tsela ye nngwe, goba o a thula. Le a bona? O swanetše go ba le yona, gobane le ke lebaka la godimodimo, nako ya godimodimo. Se sengwe le se sengwe se ka godimodimo.

<sup>18</sup> Ebile re nagana re na le batho ba godimodimo, goba batho ba bangwe ba nagana ke bona ba godimodimo, gomme ba leka go dira ka mokgwa woo, go le bjalo. Moloko wa godimodimo, moloko o tee o nyaka go busa godimo ga wo mongwe.

<sup>19</sup> Dikereke tša godimodimo, dikerekemaina tša godimodimo, se sengwe le se sengwe se tla go tša godimodimo. “Ge e se ya godimodimo, gabotse, ga e bjalo.”

<sup>20</sup> Ke nagana ebile le basadi ba ba go apara ga godimodimo, lebaka la sebjalebjale. Dieta tša fešene ya kgale, ba be ba ne mokgophha ka go tšona, o di reka e ka ba ditolara tše tharo ka para, wona mohuta wo mokaonekaone kudu, o bile le mokgophha

wo montši ka go tšona go feta tasene ya dipara o nago le tšona lehono, tše o di lefago ditolara tše masomepedi tlhan. Eupša e swanetše go ba mohuta wa godimodimo, le a tseba, o dikologa e ka ba ka mokgwa *woo*, gomme ga go menwana ka go yona, eupša ke ya godimodimo. Le a bona, ke selo. O swanetše gabotse go ba ka dikhebe tša godimodimo go sepela ka go sona, le a bona. Yeo ke nnete. Se sengwe le se sengwe se a gafa, go nna, le a bona. Eupša ke—ke lebaka la godimodimo. Ke nako ya godimodimo.

<sup>21</sup> Maswao a ohle ke—ke go swaiwa ga leswiswi la semoya. Dilo tšohle tše re di bonago di direga ka go tše tša godimodimo, tša godimodimo, tša godimodimo, ge feela re tseba! Re itlhaganetše, re swanetše go fihla kua, gomme re dira eng ge re fihla kua? Go be go fela go tše, go sepelela gae go tšwa mošomong, go be go fela go eba bana ba swanetše go sepelela sekolong, gomme bjale ba na le pese go tla mojako le go ba topa le go ba felegetša ka sekolong le ka ntłe ga sekolo, gomme morago ba patela seripa sa ditolara tše milione bakeng sa kamora ya boithabišo, go ba fa go itšhidulla go gonyanye, goba ba a hwa. Gabotse, ba be ba fela ba e hwetsa ba sepela go ya sekolong. Lebaka la godimodimo! Bjale a yeo ga se nnete? Ebile le dikereke di swanetše go ba, ga di ne tiragalo ya go lekanelia magareng ga tšona, ba swanetše go ba hweletsa ka—ka—ka kamora moo bohole ba ka bapalago le go tabogela godimo le fase. Go be go fela go le Moya o ba dira go dira seo, eupša bjale ba swanetše go tšwela ntłe fale, mohuta wa nako ya godimodimo. Le a bona, tšohle di hlahlala go leswiswi la semoya, letšatši le legolo leo re phelago ka go lona.

<sup>22</sup> Le a tseba, batho ba Gagwe, batho ba Modimo ba Beibele, ka mehla le seboditšwe, ke Modimo, go hlokomela maswao a nako. Jesu, ge A be a le lefaseng, O rile go Bafarisei ba letšatši la Gagwe, O rile, “Lena Bafarisei ba difofu.” O rile, “Le ya ntłe mantšiboa gomme la lebelela le go bona mafaufau a apogile le bohubedu,” la re, “‘Gosasa,’ le tla re, ‘e tla ba letšatši la go apoga.’” Gomme O rile, “Morago le ya ntłe gomme a a lepelela, a lebega go befelwa, gona, ‘Gosasa e tla ba boso bja go befa.’” O rile, “Le kgona go hlatha sefahlego sa mafaufau, eupša leswao la nako ga le kgone go le hlatha.” O rile, “Ge nkabe le Ntsebile, nkabe le tsebile letšatši la Ka. Ge nkabe le tsebile Moshe,” O rile, “le be le tla Ntseba, ka gore Moshe o ngwadile ka Nna.”

<sup>23</sup> Ka mantšu a mangwe, bjalo ka ge ke be ke bolela, ba ka be ba tsebile gore Lengwalo leo le swanetše go phethagatšwa ka letšatšing leo le be le phethagatšwa, gomme ba be ba sa e tsebe. Ba bile le mahlo a bona—a bona a beilwe bjalo go metlwae ya bona, le dilo, go fihla ba sa kgone go bona Lengwalo la nnete le tatologa pele ga bona.

<sup>24</sup> Ke tla swantšha lebaka le le lela. Gore le magareng ga ba—ba batho ba bakaone, nako ye nngwe, ba šitwa go e bona. Ba no sepela go tloga, gomme, ka potego, ke—ke... E be tla nnola moko ge ke be ke sa tsebe gore Jesu o boletše se A se dirilego ka

yona, gore, "Ga go motho a ka tlago ntle le ge Tate wa Ka a mo goga, gomme bohole Tate a Mphilego ba tla tla." Ba ka se tsoge ba kgona go E bona. O rile, "Jesaya o boletše gabotse ka lena, a re, 'Le na le mahlo gomme ga le kgone go bona, ditsebe gomme ga le kgone go kwa.'" Ke ponagalo ya go šokiša, eupša yeo ke tsela ye ba bego ba le.

<sup>25</sup> Gomme bjale re hwetša feela e ka ba selo sa go swana se phelago lehono, ge re tseba gore re phela mo iring yeo leswiswi la kgotlompo le lego go khupetša lefase le batho. Gomme re hwetša, gore diphihlelelo tšohle tše tša sebjalebjale, tša lebaka la godimodimo, le go ya pele, leo re phelago ka go lona, ke feela leswao la leswiswi la kgotlompo ka go sekgao sa semoya. Re ka go lebaka la kerekeng, gomme batho ba a dira, gomme—gomme ba bonala ba na le phišegelo go ya kerekeng; eupša go tseba e ka ba eng ka Moya, nako ye ba phelago ka go yona, ba bangwe ba bona ba foufetše ka mo ba kgonago go ba ka dilo tše. Ga go kgathale se Modimo a tla se dirago, le ka fao se tla netefatšwago gabotse ka Lentšu la Gagwe, go le bjalo ba no se kgone go se bona. Ke a makala ge eba ga e no ba boka se A se boletšego, "Re ne mahlo, eupša ga re kgone go bona." Re swanetše go lebelela go dikologa le go bona dilo tšohle tše tše di diregago ke leswao gore bofelo bo batametše, gobane tše ke dilo tše di boleletswegopele go ba mo nakong yeo.

<sup>26</sup> Ke nyaka gore le ele hloko tšwelopele ye e sa fetogego ya Lentšu la Modimo le mediro ya Gagwe. Le a bona, Yena ga a tsoge a fetola lenaneo la Gagwe—la Gagwe. Yena ga a tsoge a fetola ditsela tša Gagwe. Feel a ka go phethagala, Lengwalo le tšwelopeleng ya go phethagala. Se sengwe le se sengwe Modimo a se dirago se tšwelopeleng le se A se dirilego. Le a bona? Gomme se A se dirilego pele, ke gore, O tla se dira lekga la bobedi ka tsela ya go swana.

<sup>27</sup> Gomme go no e netefatša go lena, O dirile melao ka lefaseng. Gomme ka mehla O file batho ba Gagwe leswao pele tiragalo e direga. Bjale ka mehla O e dirile. Gomme ka mehla O tla e dira, gobane Yena ke Modimo mosefetoge. "Ke nna Modimo," O rile, "Ga Ke fetoge." Ka tsela ye A beago lenaneo la Gagwe mathomong, ke ka tsela ye go lego ka go lebaka le lengwe le le lengwe. Ga A tsoge a le fetola.

<sup>28</sup> Ge A beile lefase go dikologa go motheo wa diiri tše masomepedi nne; re ka no ba le dinako tša go boloka seetša mosegare, le mehuta yohle ya dinako, eupša ga e tsoge ya fetola go dikologa ga lefase. O mo dira ntikodiko ya go felela diiri tše dingwe le tše dingwe tše masomepedi nne, o retologa go dikologa. Ga a tsoge a fetola dihla, Modimo o ne seruthwana, selemo, marega, feela tlwa boka go bile ka mehla. Yeo ke tsela ye A e dirilego pele, yeo ke tsela ye A e dirago nako le nako. Tšwetšopele

ya melao ya Gagwe, le ya Lentšu la Gagwe, le ya mediro ya Gagwe, ka fao yohle e nogo go hlakana mmogo ka go phethagalal!

<sup>29</sup> Kagona, ge re ka kgona go lebelela se se bego se le, re ka kgona go tseba se se lego le se se tla bago. O ka thea dikgopololo tša gago godimo ga seo, ka gore Lengwalo le re, “O a swana maabane, lehono, le go ya go ile.”

<sup>30</sup> Re ela hloko pele nako ya seruthwana e etla. Šetsang ye nngwe ya melao ya Gagwe. “Ge le bona mehlare e khukhuša,” O rile, “le a tseba selemo se kgauswi.” Nako ya seruthwana ke leswao la boitsebišo bja selemo go tleng pele. Woo ke molao. Ka mehla e direga ka tsela yeo. Ga o ne selemo, gomme ka gona e ka ba ka nako ye e bago marega ka gona matlakala a tla pele. Aowa, o na le matlakala pele, ka baka la gore ke go tsebišwa ga melao ya Gagwe ya tlhago, nako yeo ya seruthwane e a tla. Ga e tsoge ya palelwa. Ge o bona mehlare e thoma go ba ye boleta, go dikologa godimo ga sekgamathi, gomme mahlogedi a mannyane a thoma go kokomoga, le a tseba gore ke leswao gore nako ya seruthwana e fa, e a tsena.

<sup>31</sup> Ge o bona lehlabula pele re eba le lehlwa goba e ka ba eng, gomme matlakala a ewa go tšwa mehlareng, o re, “Gabotse, lehlabula le kgauswi.” O tseba bjang? Gobane matlakala a a wa. Tlhago e a itokiša bakeng sa ona. Ngwaga wo mongwe le wo mongwe o a swana.

<sup>32</sup> Gape O re fa leswao ka go fetogeng ga boso. O ka kgona go ya ntle le go šetša, boka A rile, “O bona lefaufau ke le lehubedu le go lepelela, gosasa e tla ba boso bja go befa.” Gomme ga A tsoge a e fetola. Ka mehla O a re sebotša. O ka kgona go tšea, wa ikwela moyo o thoma go koloba, nako ye telele pele ga ledimo, gomme šetsang tlhago yohle e bapala le seo. Ke leswao.

<sup>33</sup> Bjalo ka ge ke fela ke bolela, “Ge go be go se Beibele, ke be ke tla tseba go be go le Modimo, go no šetša ka tsela ye tlhago e šomago.” Ke melao ya Gagwe, yohle e tšwetšopeleng yona seng. Lentšu la Gagwe le tšwetšopeleng; Le ka se kgone go šitwa. Maswao a Gagwe a tšwetšopeleng le nako. Maswao a maleba le Beibele. Maswao a thwi ka ngwedding. Maswao a thwi ka lefaufaung. Maswao a thwi lefaseng. Maswao a thwi ka kerekeng. Gomme re ka kgona go lebelela go dikologa kereke, lehono, le go bona leswao le no ba gabotse go Ŷena go tla.

<sup>34</sup> Mohlala, ka fao e šomago godimo ga tlhago. Ke be ke le godimo ka dithokgweng tša leboa, moo ke tla bego ke tsoma, pele re ka tsoge ra ba le go—go tonya; mapidibidi a mannyane a ya ntle ga Louisiana, a ya godimo kua le go dira dihlaga tša wona, le go phaphaša ntle a mannyane a wona. Feela a nke moyana wo monnyane wa mathomo wa go tonya o tšwe bogodimo bja thaba yela ge lehlwa le be le tswalela dithaba, gomme wona mapidibidi a mannyane a tsogetše godimo go tšwa kua, gomme ga se a ke a tsoga a tšwa mogobeng wola, le go tla feela thwi

morago go Louisiana ka mo ba kgonago go tla. Ke tlhago, le a bona, melao ya tlhago. Ba e dira ngwaga wo mongwe le wo mongwe. Gomme morago a nke, selo sa pele le a tseba, tlase fa ka Louisiana letšatši la go fiša le thoma go thoma go tšhologela fase, tlase fa ka Louisiana, a šetšang ona ohle a etla mmogo, a kgobokana gape, le go tsea thwi morago go dithaba gape.

<sup>35</sup> Šetšang magantshe godimo mo ka Texas, moo a mantši a wona a yago. Ke bone nako yeo re tla swanelago go emiša koloi, mo tseleng. Ga a tshwenyege ka motho. A nagana ka go ya. A na le tsošeletšo e kgatlampana. Ohle a ona mmogo, ga se la ke la kwa lešata le le bjalo. Ke go befa kudu go feta Mapentecostal, ge ba etla mmogo. Le a bona? Ke eng? Ke melao ya tlhago. Le a bona, yona, ngwaga wo mongwe le wo mongwe o tla mmogo, morago a a kgobokana, gomme a a tloga. Ge ona mapidibidi a tloga, gomme magantshe a tloga Texas, selemo se tseleng. Yeo ke nnete.

<sup>36</sup> Gomme ge a tloga leboa la British Columbia, marega a tseleng; o kwa ona magantshe a eya godimo, a goelela ka tsela ye a dirago, a eya borwa. Ke kgona go a theetsa le go lla, gobane ke bona Modimo a a hlahlala. Ke eng e ba hlahlago go kgabola sebakabaka sa go hloka tsela, mola a se selo eupša semuma le phoofofo? Ke eng seo se e dirago? Ge ke mo kwa a eya tlase, a goelela, moetapele yola ntle kua, mohuta wa go tsea tsela ya gagwe; mohlomongwe ga se a ke a tsoge a fofa tsela ya gagwe go ya Louisiana pele, eupša o tla fihla kua. Le se tshwenyege. O na le se sengwe ka go yena se se mmotšago mo a yago. O tsea mofofo wa gagwe. O hlahlala mohlape. Mokgobo ka moka wa wona o a tla. A ka no be a sa nka a ba mo pele. Eupša o tseba thwi tlwa moo ma—ma mašemo a reise a nago le reise, gobane o ne se sengwe seo se mo hlahlago. Ke tlhago.

<sup>37</sup> Morago seruthwana, ge go le bose le borutho tlase fa go kgabola marega, o tla ya thwi ka go otlologa morago gape. Gobaneng? Ke tlhago e ipealatša yonamong. Ke melao ya Modimo.

<sup>38</sup> Maswao a Gagwe ka mehla a etapele ditiragalo tša Gagwe, feela bjalo ka ge seo se dira. Ge o bona magantshe a eya, o bona mahlogedi a etla pele, go bona matlakala a hlohlorega, le a bona, ke tšwetšopele ya tlhago e hlakanago ka gare. Molao wa Modimo wa tlhago o a tsenelana, gomme O bula madibogo a ditiragalo tša Gagwe. Ka mehla go bile, ga se nke ya ke ya šitwa, gomme e ka se tsoge ya šitwa.

<sup>39</sup> Ge re no latela tšwetšopele ya Lentšu la Modimo, re ka se tsoge ra palelwa, le rena. Ge re ka se tsee tshe—tshe tshepedišo ya letšatši la sebjalebjale le—le go leka go lahlela se sengwe gape ka go yona, eupša e nong go latela tšwetšopele ya lona ya lebaka le, hlokamelang se se diregago. Re tla ya gae ka go otlologa, le

rena, le lengwe la matšatši a. Ka mehla o dira seo, gomme ga a tsoge a šitwa.

<sup>40</sup> Baprofeta ke leswao legolo. Leswao legolo la Modimo ke moprofeta. Bjale ke ya go bolela metsotso e se mekae ka seo. Ke Lentšu la Gagwe le dirwa go bonagala go lebaka leo, gomme ke ka baka leo moprofeta ka mehla ke leswao legolo la Modimo. Ga se A ke a romela kahlolo godimo ga lefase ntle le go romela moprofeta pele. E nong go bona, gomme phetlang Mangwalo. Moprofeta ke leswao legolo la Modimo, go batho ba Gagwe, gore O rometše motho yo, motho yo a itšego yo, go swana le Noage, go swana le Moshe, le—le Eliya le baprofeta. O ba romela go bonagatša Lentšu la lebaka leo, go fa batho ba Gagwe tshebotšo.

<sup>41</sup> Go no swana le ge A romela tlhaselo ya go tonya godimo ga mapidibidi, go a raka go tloga Leboa go ya Borwa; tšwetšopele ka tlhagong, tšwetšopele ka Lentšung, Yena ga a ke a šitwa go e dira. Ge go tsea boso bja go tonya go a rakela tlase, ngwaga wa go latela go tsea boso bja go tonya go a rakela tlase. Ge go tsea boso bja go fiša go ba rakela morago, ngwaga wa go latela go tsea boso bja go fiša go ba rakela morago.

<sup>42</sup> Gomme ge Modimo a lokela go romela kahlolo, pele A romela kahlolo, O romela moprofeta le go bonagatša Lentšu la Gagwe, o hlatsela Lentšu la lebaka leo. O e dirile ka go mabaka ohle a mangwe. O tshepištše go e dira ka go lebaka le. Gomme O tla e dira ka go lebaka le, go sa kgathale se batho ba se bolelago ka yona. O tla e dira, go le bjalo, ka baka la gore A ka se kgone go roba tšwetšopele ya Gagwe. Ke ka tsela ye A beakantšego, ka mehla O e dira ka tsela ya go swana. Ga A tsoge a šitwa go e dira boka A e dirile nakong ya pele.

<sup>43</sup> Go swana le Johane Mokolobetši, bjale, re bile le mengwaga ye makgolonne, go tloga go Maleaki go ya go Johane, go be go se leswao, moprofeta wa Testamente ya Kgale, e ka ba feela sekgala (ntle le nako baahlodi) moo go kilego gwa ba ntle le moprofeta. Molato e be e le eng, ka baka la eng ba be ba se na le moprofeta lebakeng la nako yeo? Go be go se Lentšu le le beetšwego nako yeo. Ba ile ba swanela go leta go fihla nako e lokile. Ba ile ba swanela go leta. Seprefeto ka go Maleaki se rile, e be e le Maleaki 3, “Bonang, Ke roma motseta wa Ka pele ga sefahlego sa Ka, o tla lokiša tsela ya Ka pele ga Ka,” Maleaki 3:1. Bjale, seo e be e le seprofeto sa Maleaki sa go tla ga Morena Jesu. Ga se gona se bego se tla direga magareng ga nako yeo, kafao kereke e ile ya tšwafa le go ya pele ka tsela ya yona mong, go fihla nako ya tshepišo e batamela kgauswi.

<sup>44</sup> Gomme ge nako ya tshepišo e batamela kgauswi, Modimo, ka tsela ya kagodimogatlhago, o tlišitše Johane lefaseng. O be a le monna a tswetšwego ke mosadi, ka nnete, gomme re a tseba mmagwe o be a bitšwa “Elisabetha” gomme tatagwe o be a bitšwa “Sakaria.” Ba be ba le batho ba go loka. Gomme tatagwe

e be e le moprista. E be e le motlwee wa bašemane ba letšatši leo go latela mo—mo mošomo wa tatagobona, eupša re rutilwe gore Johane, ge a be a le mengwaga ye senyane bogolo, ka morago ga lehu la tatagwe, o ile ka lešokeng gomme a dula a nnoši go fihla a be a le masometharo.

<sup>45</sup> Le a bona, ge a ka be a retologetše go se tatagwe a bilego, ba ka be ba bile le yena a hlakahlakane bjalo gore o be a ka se tsebe mokgwa wa go bona Mesia yola ge A etla. A ka be a se a ke a Mo tseba. Eupša o dutše ka lešokeng. Ge a ka be a ile seminaring, ka mothalo wa tatagwe wa kgopolo, gona yo mongwe le yo mongwe wa bona o be a tla re, “Bjale, Johane, re a kwešiša gore o ya go ba yena yoo a tla tsebago Mesia ge A etla. Bjale, a ga o nagane gore Ngwaneshu *Semangmang* fa o no swanela seswantšho tlwa? Go reng ka Kayafa, moprista mogolo wa rena lehono, a ga o nagane gore o no ba monna wa go makatša?” Tšohle tšeо ka go monagano wo mokgethwa wa gagwe, a ka be a se a tsoge a kgona go e nagana go otlologa.

<sup>46</sup> O ile ntle ka lešokeng, le go leta! Mošomo wa gagwe e be e le wo mogolo kudu bakeng sa thuto. Mošomo wa gagwe e be e le wo mogolo kudu go thutamodimo. O be a swanetše go bega Mesia. Gomme o dutše ka lešokeng.

<sup>47</sup> Šetšang theroy gagwe. Thero ya gagwe e be e se maitshwaro a—a thutamodimo ya letšatši leo. Le a lemoga gore e be e se. O boletše ka eng? Selepe mohlareng, disephente. Le a bona, seo ke sohle a se tsebilego. O godišeditšwe ka lešokeng. Seo ke se a se tsebilego: disephente, le mehlare, le dilepe, le go ya pele. Gomme seo ke se molaetša wa gagwe o bego o theilwe godimo ga sona, tlhago. Ge a rile, “Lena moloko wa marabe, ke mang a le seboditšego go tšhabela bogale bjo bo tlago? Le se nagane gore le na le Abraham go tatagolena, gobane Modimo o kgona ka matlapa a go tsošetša Abraham bana. Gomme gape selepe se beilwe modung wa mohlare; gomme mohlare wo mongwe le wo mongwe wo o sa tšweletšego kenywa ye botse o ripetšwe fase, le go lahlelwa ka mollong.” O rile, “Ka nnete ke le kolobetša ka meetse go ya tshokologong. Eupša go tla Yena ka morago ga ka yo dieta tša Gagwe ke se nago maswanedi a go di rwala, O tla le kolobetša ka Moya wo Mokgethwa, le mollo. Leselo la Gagwe le ka seatleng sa Gagwe; O tla hlwekiša diboa tša gagwe ka go tsenelela, le go tšhumma mooko ka mollo wo o sa timego, le go tšeela korong sešegong.” Amene.

<sup>48</sup> Monna šoo, moprofeta ka nnete. O be a na le leswao la gore o be a swanetše go hlokomela. Gomme ge a bone Mesia, o be a na le nnete kudu gore O be a etla ka letšatšing la gagwe, o be a na le bonnate kudu. Oo, ge Kereke e ka kgona feela go hwetša maemo a Yona a maleba, ge E ka no tseba go ema ga Yona ka iring! Ka gore, go ya ka Lengwalo, o be a le yena wa go tsebiša Mesia, gomme o tsebile O be a swanetše go ba lefaseng ka matšatšing a seprofeto sa gagwe. Kagona O be a hlehla kgauswi le moo a

bego a rera, bontši kudu go fihla a rile, “Go na le yo Motee o eme magareng ga lena bjale, yo le sa mo tsebego, yo Motee magareng ga lena thwi bjale.” O e tsebile. O be a le fale. Iri e be e batametše. O e tsebile.

<sup>49</sup> Letšatši le lengwe o lebeletše, go tla fase go tšwa Legodimong... Gomme o bone se—se Seetša, boka leeba se theoga go tšwa Legodimong. Gomme Yena Se bonetšego godimo ga gagwe, o rile, “Ke bea bohlatse gore yo ke Morwa wa Modimo.” O Se bone. “Ka gore Yena, ka lešokeng, o mpoditše, ‘Godimo ga Yena yo o tlaggo go bona Moya o theogela le go dula godimo ga gagwe, yoo ke Yena yoo a tla kolobetsago ka Moya wo Mokgethwa le Mollo.”

<sup>50</sup> O be a le motho a romilwe go tšwa go Modimo, a hlahlilwe ke Modimo, gomme o šometše Modimo, go fihla Modimo le yena ba bile... O be a le moprofeta, gomme Lentšu le tlide go yena, bjalo ka ge ke boletše bošego bjo bongwe, ka meetseng. O be a le Lentšu bakeng sa... la Modimo, bakeng sa nako ya seprofeto sa Maleaki. Maleaki o rile go tla ba motho yo bjalo, gomme Johane o tlide go lefelotiragalo, moprofeta, go phethagatša Lentšu la Morena, bakeng sa letšatši leo. Kafao, e, o be a le leswao go Israele, ge feela ba ka be ba tsebile leswao.

<sup>51</sup> Le barutiwa ba rile, “Ka baka la eng bamangwalo ba bolela gore moprofeta o swanetše, Eliya o swanetše go tla pele?”

O rile, “O šetše a tlide, gomme ga se le mo tsebe.”

<sup>52</sup> Modimo o e dira ka tsela ye bonolo bjalo, go no topa peu yela e kgethilwego, go fihla ba bangwe ba se ba ke ba e bona. Yeo ke therešo.

<sup>53</sup> Ke banna ba bakae ba bohlale ba bego ba le ka Babilonia, ba ithuta thutadinaledi, ge banna ba bararo ba bohlale ba tsebile gore ge, go le bjalo, ka go tshepedišo yela ya letšatši, ge tšona dinaledi tše tharo di lokologana, e be e le leswao Mesia o be a le lefaseng? Ba e tsebile. Ba e dumetše. Gomme ba bile bona ba bonego dinaledi. Ka moka ga bona ga se ba ba bona. Ba be ba le ka go sehlopha sa bona sa maleba, eupša ba ba bone ka tsela ye Modimo a ba neetšego yona.

<sup>54</sup> Yeo ke tsela ye Ebangedi e lego lehono. E ka kgona feela go bonwa ka tsela ye Modimo a e tlišago go wena. Gomme ge e neelwa go wena ka ntle ga tšwetšopele ya Beibele, gona ga se Modimo a go botšago seo. Amene. O ka se kgone go dira Beibele gore e aketše. Ke Lentšu la Modimo le le sa šitwego. Gomme e swanetše go dumelana le tšwetšopele ya la Gagwe, lohle la Lentšu la Gagwe. Le no se kgone go bolela se lefelo le tee, le se le lengwe gape; gomme la dira se godimo, la thula, la šwalalana. O itia senepša nako le nako, Lentšu le a dira, ka fao o swanetše go le dira tšwetšopeleng ya lohle la Lentšu. Kagona, tsela ya Gagwe ka mehla e bile, ka go Lentšu, go romela moprofeta pele ga nako yeo, pele A dira Lentšu la Gagwe go hlatselwa.

<sup>55</sup> Bjale re ka no bolela fa, feela motsotso, *moprefeta* ke eng. Bjale ka go mareo a Seisimane, go ya ka mareo a Seisimane a yona, go ra “moreri.” Gabotse, ao ke mareo a Seisemane. Eupša ka go mareo a Bahebere, o bitšwa “mmoni.”

<sup>56</sup> Gomme mmoni e bile yena yo a bilego le tlhathollo ya Lentšu le le ngwadilwego, gomme o bonetšepele dilo tše di bego di etla. Gomme ge a boletše ka dilo tše di bego di etla, le go netefatša gore o be a le mmoni, gona o tsebile. Ba tsebile o bile le tlhathollo ya maleba ya Lengwalo, gobane Modimo, ka yena, o bonagaditše Lengwalo le le ngwadilwego bakeng sa letšatši leo. Amene. Le se ke la tšwafa. Tsogang! Bjoo e be e le boitsebišo bja pepeneneng, mmoni, mmolelapele le mmoledipele. Gomme tsela e nnoši yeo ba tsebilego o be a hwetša tlhathollo ya maleba go Lengwalo, ka baka la gore se a se boletšego se tlide go phethega. Ka gona ba tsebile gore o be a biditše ke Modimo, Modimo o boletše seo. Gomme ka gona ba etše hloko gore e dirile, e tlide thwi morago ka tšwetšopeleng le Lentšu la letšatši leo.

<sup>57</sup> Jesu o rile, “Phetlang Mangwalo!” Ge ba bone O kgonne go hlatha dikgopololo tše di bego di le ka monaganong wa bona, gomme ba Mmiditše Beletsebubu, O rile, “Phetlang Mangwalo, Ke Wona a pakago ka Nna.” Tšwetšopele ya Mangwalo e kitima ka go phethagala le leswao la nako! O be a le leswao la Modimo la nako. O be a le ponagatšo ya Lentšu le le ngwadilwego, gomme gape a kgora go bolelapele se se bego se tla direga, gomme ga se ba kgona go se gana. O be a le leswao la godimodimo la letšatši. Ka kgonthe o be a le.

<sup>58</sup> Elang hloko tšwetšopele ya Lentšu la Gagwe la go se fetoge, gape le Moya wo Mokgethwa. Jesu o rile, “Ge Moya wo Mokgethwa o tlide godimo ga lena, O tla le eletsä, goba go utolla dilo tše tše Ke le boditšego, gomme gape o tla le laetsä dilo tše di tlago.” Bjale Beibebe . . .

<sup>59</sup> Batho ba re lehono, “Ga go selo se se bjalo ka moprefeta, lefaseng.”

<sup>60</sup> Gabotse, gobaneng Paulo a e beile ka kerekeng? “Go bile ba pele baapostola, baprofeta, barutiši, badiša, le baebangedi.” Nnete, go bile.

<sup>61</sup> Moya wo Mokgethwa ke Moprefeta. “Ge Yena Moya wo Mokgethwa a tlide godimo ga lena, O tla utolla, goba go le ruta, go le laetsä. Dilo tše tše ke le boditšego tšohle di bile ka go nyepo, ga le di kwešiše bjale gobane ga se ya lebaka la lena bjale. Eupša ge Moya wo Mokgethwa o tlide, O tla dira dilo tše go phela, thwi go tshepišo. E sego seo feela, eupša O tla le laetsä dilo tše di tlago.”

<sup>62</sup> Letago! Tšwetšopele ya Lentšu la Modimo, tshepišo ya Modimo, Moya wa Modimo. Re phela mo iring, re šeditše go tatologa ga diprofeto tša lebaka, go tla go phethega. A nako ye

kgolo ye re phelago ka go yona! Moya wo Mokgethwa o be o swanetše go re laetša dilo tše di bego di swanetše go tla.

<sup>63</sup> Motho o kile a leka go fihlelela le go itirela ka boyena leina ka go mo dira leswao la godimodimo. Ke eng e dirago monna go leka go itira yenamong se sengwe sa godimodimo godimo ga yo mongwe? Gobaneng a dira seo? Gobane, ka go yena, yena ke tlhago. Yena, ka tlhago, ke modiradibe, eupša ka leemo ke Morwa wa Modimo yo a welego.

<sup>64</sup> Gobaneng a itirela yenamong legae le lebotse bjalo, a le dira bokaonana nako yohle? E bak-... Nonyana ga e dire legae la gagwe go fapano go itšego. Tola e sa phela ka mobung, boka e dirile mengwaga ye sekete ya go feta. Le a bona? Nonyana e sa aga sehлага boka a dirile mengwaga ye sekete ya go feta. Le a bona? Eupša motho o a oketše. Gobaneng? Yena ke... gomme yena ke—gomme yena ke morwa wa Modimo yo a welego. Go na le se sengwe ka go yena seo se mmotšago gore paleisi, ye botse kudu, gomme go ne se sengwe ka go yena se lekago go e hwetša. Se a e puruputša. Oo, ge re lebelela a mangwe a magae a lehono, a tla ba eng ka lehlakoreng le lengwe? Ge tlhago ye e welego e kgona go dira selo sa go swana le se, e tla ba eng?

<sup>65</sup> Eupša seo ke se se mo dirago go dira seo, tlhago ya gagwe ka gare ga gagwe. Le ge a wele, o leka go dira se sengwe ka go yenamong. O leka go dira seo. Go bile go tloga mathomong.

<sup>66</sup> Adama, o lekile go dira bodumedi bja godimodimo ntle le poelano. Ba sa leka go bo dira. Bodumedi bja godimodimo, go dira bodumedi gore a kgone go phela ka tsela e ka ba efe a nyakilego, ntle le poelano, gomme a šala a sa ne seapešo. O lekile go bo dira mathomong, gomme o sa leka go bo dira.

<sup>67</sup> Eupša tsela ye e filwego ke Modimo e be e le poelano, gomme e ka se tsoge ya ſoma ka tsela ye nngwe. E swanetše go tla morago go poelano.

<sup>68</sup> Nimiroke o lekile go aga tora ya godimodimo, tora ya bodumedi. Ge eba go tla ba e ka ba mang yoo a ka... Tora ye nnyane e ka no ba e bile dikgato tše masometharo godimo, eupša o be a nyaka go dira selo se sengwe sa godimodimo, selo se sengwe se segolwane, ka fao a mo agela tora. Yeo e be e le ka letſatšing la gagwe.

<sup>69</sup> Nebukadinetsara o nyakile go aga toropokgolo ya godimodimo. O tſere phethene go tſwa Legodimong, dirapana tſa go kgelempua, noka ya Forata, hleng le terone; go no swana le Meetse a Bophelo, Noka ya Bophelo, e kitima go feta Terone ya Modimo. O lekile go dira toropokgolo ya godimodimo.

<sup>70</sup> United States, mengwaga e se mekae ya go feta, e lekile go dira sekepe sa godimodimo. Ba se dirile, kafao ba rile, "Se be se ka se tsoge sa nwielela. Se se ka se kgone go nweletšwa." Modimo o beile Titanic ka tlase ga lewatle. Go laetša gore diphihlelelo tſa

monna di ka se tsoge tša lekana le e ka ba eng. Yohle ke lerole gomme e ya morago leroleng, se se lego ka go yena.

<sup>71</sup> Russia, lehono, e leka go tsoša rasaense yo mogolo yo a ka kgonago go dira dilo tše di itšego tša saense, go fenza lefase.

<sup>72</sup> Fora, e se kgale kudu, ba naganne ba ka no fela ba ne basadi ba bona, beine, le maipshino; kafao ba itiretše bonabeng, ba biditše, Mothaloo wa Maginot, ba bile le dithunya tša bona tšohle go leba Jeremane, lenabalegolo. “Ge ba ka tsoge ba tla ka tsela ye! Re tla no phela ka tsela e ka ba efe re nyakago. Gomme re tla dira mothalo wo mogolo wa godimodimo ntle fa, go o dira go tšwa go khonkhoriti, go šupa dithunya tša rena. Ge ba ka tsoge ba tla, re tla kgwatha konopi; yohle e tla thunya le go e thuthupišetša morago ka Jeremane.” Jeremane e matšeditše thwi go dikologa ka morago ga ona. Ba lebetše.

<sup>73</sup> Kafao re lebetše! Modimo, ka seatla sa Gagwe se maatla, o bontšha lefase le le ka se eme. Eupša ba nyaka leswao la godimodimo.

<sup>74</sup> Ba ba diretše Mothaloo wa Maginot, gomme Jeremane e matšeditše thwi ka morago ga ona, gobane ba lebetše. Kafao, ba kgonne go bea sethunya godimo ga tora, ba kgona go e pshikološetša morago tikologong ka tsela ye nngwe le go thunya. Ba lebetše seo.

<sup>75</sup> Seo e no ba se kereke e se lebalago lehono. Ba na le kereke ya godimodimo. Ba na le kerekeleina ya godimodimo. Ba na le batho ba go apara godimodimo. Ba na le se sengwe le se sengwe ba se nyakago, le badiredi ba godimodimo ka thuto ya godimodimo. Eupša le lebala gore Lentšu la Modimo le ka se šitwe. Le swanetše go tla ka tsela ye Modimo a rilego le be le eya go tla. Ga go tsela ya go ya go le dikologa.

<sup>76</sup> Go latela go tla Jeremane, moragwana. Ba naganne yeo e be e le kgopoloye botse, kafao ba tla e lokiša gore ba kgone go fetola dithunya tša bona ka tsela ye nngwe. Kafao ba ikagetše mothalo bonabeng, o bitšwago Mothaloo wa Siegfried, eupša dithuthupišetša Amerika di o rathaganyeditše ka ntle ga mobu. Le a bona?

Ba leka go dira se sengwe sa godimodimo, sa godimodimo, nako yohle.

<sup>77</sup> Dikereke lehono di nyaka kerekeleina ya tšona ya godimodimo. Re lekile lebaka la nako ye telele, Mamethodist a tšeа tšohle, Mabaptist a tšeа tšohle. Morago Pentecostal e tla ka mokitimong, ba tšeа tšohle. Makatoliki ba leka go tšeа tšohle. Kafao ba hwetša, sehlopha se sennyane sa go Šwalalana, ga ba kgone go e dira. Eupša ba bee mmogo, e kwagala go ba ya Lengwalo bjang! “Re bee mmogo! Re bee mmogo, re tla e dira nako yeo. Re tla kitimišetša bokomonisi ntle ka go lewatlekgolo.”

<sup>78</sup> Ba sa tsebe gore Modimo o tsošitše bokomonisi go ba fanya. Leo ke lentšu le legolo go moreri go le bolela. Eupša ke selekwa kudu go kweng se, “Bokomonisi! Bokomonisi!” Le tseba maswao a bokomonisi. Eupša iri ye le phelago ka go yona, ga le tsebe selo ka yona. A ga le tsebe Modimo o tshepišitše go dira seo? Go swana le ge A thomile, o tsošitše Nebukadinetsara go senya Israele, gobane ga se ba sepela tseleng ya Gagwe. Beibele e ruta seo pepeneneng, gomme ye ke iri ya sona go direga.

<sup>79</sup> Re hwetša, mo letšatšing leo re phelago, dilo tše tšohle. Ga se bona selo se utilwego, ke se sengwe seo Modimo a se utolotšego ka go Lentšu, eupša batho ba foufetše kudu go se bona.

<sup>80</sup> Lehono re a nagana, “Gabotse, bjale, ge bohle re ka kgona go tla mmogo ka kopanong ye e lego gona, goba ka go khansele, ‘bontši bja dikeletšo go na le polokego.’”

<sup>81</sup> Yeo ke therešo, eupša ke mohuta mang wa lešaba o eletšago ka go lona? O ka kgona bjang go sepela mmogo? O ka kgona bjang go lahlela dikerekemaina tše mmogo? Ba bangwe ba bona badumedi, le ba bangwe basedumele, le badumedi ba go itiriša, o ya go di bea mmogo bjang le go sepela mmogo? “Ba babedi ba ka sepela mmogo bjang ntle le ge ba kwane?” gape go ngwadilwe. Lebelelang fa se ba se dirago, ba itirela bonabeng lešaba.

<sup>82</sup> Nako ye nngwe ba dirile selo sa go swana ka Beibeleng, ge Ahaba a be a le bothateng, gomme, goba Ahaba o rometše tlase go Josafate go tla tlase go tšwa—go tšwa Judea le—le go hwetša ge eba o tla tsea madira a gagwe le go mo thuša go lwa ntwa. Gomme Josafate, modumedi go tšwa go kgokagano le Modimo wa gagwe, o ile tlase fale gomme o rile, “Ee.”

<sup>83</sup> O rile, “Go na le seripa sa lebala godimo kua e lego sa rena. Seo ke sa rena. Modimo o re file sona. Moprefeta Joshua o re abetše lebala lela, gomme bjale re hwetša gore ke la lenaba. Lenaba le mediša korong godimo kua, ye e swanetšego go ya ka dimpeng tša rena Bahebere, gomme bjale ba e tseela godimo kua le lenaba.” O rile, “A re tla ya godimo? A o tla ya godimo le nna?”

<sup>84</sup> Gabotse, bjale, Josafate, e segó go tsea kgopoló ya bobedi, o rile, “Gobaneng, kgonthe. Dikoloi tša ka ke dikoloi tša gago. Banna ba dipere ba ka ke banna ba dipere ba gago. Mašole a fase a ka ke mašole a fase a gago. Re banešu. A re dumelane mmogo, re tla dira segwera gomme re tla rotoga.” Morago e mo rathile, “Bokaone re nyake Modimo, pele.” Oo, nna!

<sup>85</sup> Pele o tšoena selo seo, bokaonana o nyake Modimo, pele. Bokaonana o hwetše pele o lahlela kereke ya gago ka go Babilonia ye bjalo ka yeo. O tla swanelia go e dira, goba go tsea leswao la sebata. Eupša eya pele.

<sup>86</sup> Ba rile, Ahaba o rile, “Ka kgonthe, ke be ke swanetše go be ke naganne ka seo.” O rile, “Ke na le makgolonne tlase mo ka seminaring, baprofeta ba Bahebere, ba bakaonekaone ba lego ka nageng. Ga go na bokaonana, e ka ba kae. Re tla ya go ba tsea.”

<sup>87</sup> Gomme baprofeta ba a tla, gomme bohle ba profeta. Kgonthe, ba be ba le tlwa le kgo—kgo kgopolu ya maleba, ba naganne. Ba rile, “Nnete, yeo ke ya Israele. Ge Modimo a file yeo go Israele, ke ya Israele.”

<sup>88</sup> Eupša Modimo o go fa feela dilo tše ka mabaka. Seo ke se ke naganago ka dimpho tša Moya, ka Kerekeng, lehono. Ba bantši kudu ba re e hloka go ba ka fale. Eupša e tla tla feela ka kua ka fase ga mabaka.

<sup>89</sup> Modiredi wa go tsebega o rile go nna, e sego telele go fetile, “A o ka se tlogele go tšeatšea bona basadi le banna, ka *se, seo, goba se sengwe?*” O rile, “Ba tla go tšeа bjalo ka mmoni, goba mophrofeta.” O rile, “Gobaneng o sa ba rute ka fao ba ka amogelago Moya wo Mokgethwa le dimpho tše kgolo?”

Ke rile, “Ba tla dira eng ka tšona?”

<sup>90</sup> O rile, “Wena, o swanetše go ba ruta dilo tše kaonana go feta go leka go ba botša mokgwa wa go ripa moriri wa bona le go apara diaparo tša bona, le go ya pele ka mokgwa woo. Ga wa swanela go dira seo.”

<sup>91</sup> Ke rile, “Ke ya go ba ruta bjang algebra ge ebile ba sa theetše diABC tša bona?” Le a bona? O ya go dira seo bjang? Ba na le . . . Modimo o fa dimpho tše ka mabaka.

<sup>92</sup> Gomme naga yela e be e le ya Israele, ka mabaka gore e dutše therešo go Modimo. Eupša lebelelang ke legwaragwara lefe ba bilego le lona ka fale bakeng sa modiša, go no dumelela go rapela medingwana le se sengwe le se sengwe gape go swielelwā ka gare. Eupša baprofeta, ba nagana gore yeo e be e le ya Modimo, e be e le ya Israele, e be e le mpho ya Israele, ba be ba swanetše go ba beng ba yona.

Seo ke selo sa go swana se diregago lehono.

<sup>93</sup> Eupša elelwang ge bohle ba profetile ka mmtero o tee, gomme yo mongwe wa bona, ke a dumela, Tsedekia, o itiretše sete ye kgolo ya dinaka tša tshipi. O rile, “O tla tšeа tše gomme wa šušulela Basiria go tokologela ka ntle ga naga, ka tšona.”

<sup>94</sup> Gomme se ile sa no se swanele yo wa bodumedi, wa go loka, monna wa maitshwaro, Josafate. O rile, “Gabotse, a ga o ne yo mongwe gape?”

<sup>95</sup> “Yo mongwe gape, ge re na le makgolonne? Makgolonne, ka mmtero o tee, ba re, ‘Re tla ba le Khansele ya Dikereke. Re tla—re tla no e dira.’” Le a bona, bohle ba be ba le ka kopanong. O rile, “Bona ba, yo mongwe le yo mongwe, ka tumelelanong.” O rile, “Gobaneng o sa ye pele gona gomme wa no ya pele godimo le nna?”

<sup>96</sup> O rile, “A ga go na yo motee gape yo o ka kgonago go mmotšiša ka se, yo a nago le kgomano le Modimo?”

<sup>97</sup> O rile, “Ee, go ne yo mongwe gape, eupša ka kgonthe ke mo hloile.” Yeo ke yona.

<sup>98</sup> “Oo, a nke kgoši a se bolele bjalo,” go boletše Josafate. “A re—a re yeng go mmotšiša gomme—gomme re bone se e tla bago.”

<sup>99</sup> O rile, “Go na le yo motee, ya, ke a mo tseba, morwa wa Jimila,” o rile, “Mika. Eupša,” o rile, “ke mo hloile.” O rile, “Ka mehla o bea dithogako go nna. Ka mehla o a mpotša ke phošo gomme—gomme hele e ntetetše.” O rile, “Ke hloya ebile go mo kwa a rera. Ga go le o tee wa badiredi ka moka ebile ba ka se bego le yena ka dikerekeng tša bona.” O rile, “Re mo ragetše ntle, nako ye telele ya go feta, ka ntle ga mokgatlo.” O rile, “Ebile ga ke tsebe moo o tla mo hwetšago.”

“Oo,” o rile, “le se dumelele kgoši go bolela bjalo. A re yeng go mo tšeа.”

<sup>100</sup> Kafao gona yo mongwe wa mokgatlo o ile ka morago ga gagwe. O rile, “Bjale, Mika, o na le sebaka go hwetša karata ya gago ya boleloko morago gape, ge o ka bolela selo sa go swana ba se bolelago. O a bona, ge o ka no e dira, ge o ka dumelana le rena, gore bohole re swanetše go tšoena khansele le bohole re tsene mmogo, re tla no . . . o tla ba yo mongwe wa rena.”

<sup>101</sup> Oo, eupša Modimo ka mehla o ne yo mongwe yo a tla emago go rereša. O rile, “Bjalo ka ge Morena Modimo a phela, ke tla bolela feela se A mpotšago go se bolela.” Amene.

<sup>102</sup> Leo e be e le leswao go Josafate. Le tseba ka fao kanegelo e yago. Gomme o rile, “Gobaneng, Modimo o boletše!” Le ge makgolonne ka go khansele ba be ba le kgahlanong le yena, efela o eme. Gomme e be e le leswao go Josafate. Gomme Josafate o be a ka se ye ntle fale.

<sup>103</sup> Kafao re hwetša ka fao dipolo di bilego, gobane lentšu la monna yola le be le le tlwa le lentšu la moprofeta leo le profetilwego bakeng sa letšatši la Ahaba, “Gobane o tšere Nabote wa moloki gomme a mmolaya, le dilo, Modimo o mmoditše, ka moprofeta Eliya, gore, ‘Dimpša di tla latswa madi a gago mong,’ yeo ke nnete, le se se tla diregago, le ka fao di tla jago Isebele.” O porofitile. Leo e be e le Lentšu, gomme Mika e be e le yena yo a bego a ka kgonia go e tliša go phethegaa. Amene.

<sup>104</sup> O be a le moprofeta leswao la letšatši leo, ge feela ba ka be ba mo theeditše. Ga se nke ya ke ya šitwa. Modimo ka mehla o a le romela.

<sup>105</sup> Yo mongwe le yo mongwe ka mehla o nyaka leswao. Re swanetše go lebelela maswao. Yeo ke nnete. Eupša a bodumedi . . . maswao a Lengwalo, e sego maswao a bodumedi; maswao a Beibele.

<sup>106</sup> Yo mongwe le yo mongwe o be a eya go lebelela leswao, gomme ba tsebile le e tla ba letšatši la godimodimo, Modimo a bona bofelo go tloga mathomong, kafao O rile, “Ke tla

ba fa leswao, leswao la godimodimo. Ke tla ba fa leswao la Gosafelego.” Amene. “Ke tla ba fa le letee le le ka se tsogego a šitwa gomme le ka se tsoge la feta.” Amene. “Ba nyaka leswao, kafao Ke ya go ba fa le tee, leswao la godimodimo.”

<sup>107</sup> Ga se A tla ka go natha ga lefase, ka tsela ye ba bego ba Mo letetše go tla. Eupša O boletše eng? “Kgarebe e tla ima.” Amene. Leo e be e le leswao. Leo e be e le leswao la godimodimo. “Kgarebe e tla ima.” Amene. La godimodimo, leswao la godimodimo; e sego leswao la tlhago, eupša leswao la godimodimo; kgarebe e ima, le a bona, leswao la kagodimogatlhago. Kagodimogatlhago! E be e le leswao la godimodimo, ka gore kgarebe ga se ya ke ya e dira pele, eupša, “O tla ima.”

<sup>108</sup> E be e le go ba eng? “Leina la Gagwe le tla bitšwa Imanuele.” Go tla ba bjang? “Modimo le motho ba tla ba batee.” Leo ke leswao la godimodimo.

<sup>109</sup> O Modimo, ge lefase le ka kgona feela go bona seo, gore Modimo le motho ke batee! Leswao la godimodimo e bile Monna yola wa mathomo Modimo a kgonnego go tla ka go yena; tšohle Modimo a bilego O di tšholletše ka go Kriste. Gomme tšohle Kriste a bilego O di tšholletše ka Kerekeng. Leswao la godimodimo, Modimo le motho, mmogo, leo e be e swanetše go ba leswao la godimodimo la letšatši la mafelelo, ge Beibele ka moka e be e swanetše go phethagatšwa ka matšatšing a mafelelo.

<sup>110</sup> Leswao la godimodimo, “Kgarebe e tla ima. Gomme kimo ye, ge E tlišwa pele, e tla ba Modimo a bonagaditšwe nameng,” leswao la godimodimo. Ba sa no se e dumele, eupša e be e le go le bjalo. E sa le leswao la godimodimo.

<sup>111</sup> Elang hloko, leswao la godimodimo! Ba na le monna wa godimodimo lehono, ba na le dinonwane tša monna wa godimodimo, ka moka dilo tše dingwe tše tša mehuta ya dilo tša godimodimo. Eupša Kereke e na le leswao la godimodimo, Modimo morago ka Kerekeng, a bonagaditšwe ka nameng ya motho. Modimo o kopane le motho, leswao la Gagwe la kgontha la godimodimo!

<sup>112</sup> Elang hloko leswao la ka Gosafelego, leswao la go se šitwe, Le ka se tsoge la šitwa. Motho le . . . Lentšu le motho ba ba batee. Ge Lentšu la Modimo le motho ba eba batee, bjalo ka Mokg. Johane tema ya 1 e re, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rená,” leo ke leswao la godimodimo.

<sup>113</sup> Oo, ge leo e be e le leswao la godimodimo la letšatši leo, ge Moya wo o swanago wo o bego o le go Jesu Kriste o etla ka Kerekeng ya Gagwe, go bonagatša Lentšu le le ngwadilwego la lehono, leo e sa le leswao la godimodimo.

<sup>114</sup> Kereke e ka ba le leswao la Khansele, bohole ba bona ba etla mmogo bakeng sa khutšo ya lefase ya bofora, le tšohle ba nyakago go ba. Mabaptist ba ka re, “Re na le milione bontši ka ’44.” Mamethodist ba kgona go dira mohuta wo mongwe le wo mongwe wa boikgantšho ba nyakago go bo dira, Maoneness, goba Matrinity, eng kapa eng ba ka bago yona.

<sup>115</sup> Eupša leswao la godimodimo ke, go le bjalo, Modimo ka mehla o dula a le therešo go leswao lela la godimodimo: ke Modimo ka go motho, a bonagatša Lentšu la Gagwe le le ngwadilwego. Lentšu la Gagwe, “Ge Yena Moya wo Mokgethwa a tlie godimo ga lena, O tla utolla dilo tše, a di laetša go lena, gomme o tla le laetša dilo tše di tlago.” Bahebere 13:8, “Jesu Kriste wa go swana maabane, lehono, le go ya go ile.” Tlwa.

<sup>116</sup> Peu ya godimodimo ya Abraham, O be a le, Morwa wa godimodimo. Abraham o bile le morwa o tee, o belege yoo ka nama ya tlhago, yoo e be e le Isaka. Morago o bile le Morwa yo mongwe, gomme Morwa yoo e be e le ka tumelo, yoo e be e le Jesu; O be a le Morwa wa Abraham, Morwa wa Dafida, Morwa wa Modimo. O e bonetšepele ka ponong. Tumelo ka go Lentšu la Gagwe le le tshepišitšwego, le laeditšwe ka go la mafelelo... go laetša pele, ka matšatšing a a mafelelo, Abraham. Re swanetše go ba Peu ya Abraham. Ge re hwile ka go Kriste, re Peu ya Abraham; le go ba mojabohwa le Yena, go ya ka tshepišo. Bjale, gobaneng leswao le la godimodimo le filwe Abraham? Ka gore le tla tlisa pele leswao la godimodimo la letšatši la mafelelo. Le swanetše go pealatšwa.

<sup>117</sup> Modimo o laeditše Abraham bofelo go tloga mathomong, le se se bego se eya go direga; Modimo o bonagaditšwe ka go Motho, Morwa wa Gagwe wa tumelo ya godimodimo. Motho yo a bego a ka se kgone go senya Morwa yo; ba be ba ka kgona go senya Isaka, ba be ba ka kgona go senya Jakobo, le bahlatlam i ka morago ga bona, eupša Morwa yo wa godimodimo o be a ka se kgone go senywa. Abraham, Peu ya Abraham, tumelo ye, gore, e sego peu ya tlhago, eupša tumelo ye Abraham a e amogetšego, e sego ka molao wa lebollo; eupša ka tumelo ka go Lentšu, Morwa wa tumelo ya godimodimo ya Abraham, e bego e le Jesu Kriste. Bjale, bohole barwa ba gagwe ba bangwe ba hwile, eupša Morwa yo o be a ka se kgone go bolawa. O bolailwe, eupša o be a ka se kgone go dula a hwile. Lebitla ga se le kgone go Mo swara. O a swana maabane, lehono, le go ya go ile.

<sup>118</sup> Elang hloko Genesi 22:16 le 17, godimo ga thaba moo Modimo a laeditšeego Abraham go ya, gomme fale o bone kgapa e kgokilwe ka dinaka tša yona, ka lešokeng. Elang hloko, ka pela bjale. Ka morago ga ge a tšere Isaka gomme a mo tlema, e bego e le morwa wa gagwe wa tlhago, o mmeile godimo ga—ga aletara, go tšeа bophelo bja gagwe; gomme ka gona a thoma go tšeа bophelo bja gagwe, ka go obamela lerato go Modimo. Gomme, ge a dirile, se sengwe se diregile. O kwele Segalontšu, se re, “Abraham, emiša

seatla sa gago, gobane Ke a tseba gore o a Nthata.” Gomme ka gona o kwelé kga—kga kgapa e lla, e kgokilwe ka dinaka tša yona ka lešokeng, ka morago ga gagwe. Gomme o biditše leina la lefelo Jehofa-jireh.

<sup>119</sup> Elang hloko, Modimo o rile, “Gomme peu ya gago,” peu ya Abraham bjale, “e tla ba mong wa dikgoro tša manaba a yona.” O be a tla tšeá dikgoro, go ba mong wa dikgoro. O e tshepišitše. Bjale, peu ya gagwe ya tlhago e dirile feela seo. Ka moka peu ya tlhago ya Abraham e be e le baprofeta ba ba tlidego ka morago ga gagwe.

<sup>120</sup> Go bile Moshe, peu ya Abraham, gomme, ge a dirile, o tlie kgorong, ka mothalong wa mošomo. O tlie kgorong ya Lewatle le Lehubedu, ka morago ga go ruta bana ba Israele ka ga naga ya tshepišo ye Modimo a e tshepišitšeego. O be a le moprofeta wa Modimo. O be a bonagaditswe pele ga batho, bjalo ka moprofeta wa Modimo. Modimo o hlotše, ka yena. Modimo o dirile mehuta yohle ya maswao le matete, ka yena. Gomme o dutše feela tlwa le Lentšu la Modimo, gobane o nyakile Modimo, pele. Gomme o tsebile leemo la gagwe. O tsebile o be a tswaletšwe lebaka leo, go bonagatša Lentšu la Modimo ka nako yeo. Gomme ka gona, thwi ka mothalong wa mošomo, o tlie godimo kgahlanong le se sengwe se a bego a sa tsebe se a ka se dirago, e be e le Lewatle le Lehubedu. Gabotse, go diregile eng? Peu ya Abraham e tshepišitše go ba mong wa dikgoro tša manaba. Kafao ge Lewatle le Lehubedu le eba kgoro ye a bego a ka se kgone go tla go e kgabola, Modimo o sepeletše godimo ga lefelotiragalo gomme o tšere kgoro gomme o ile kgole le yona, gomme Moshe o sepetše go kgabaganya lewatle godimo ga naga ya go oma. Peu ya gagwe e bile mong wa kgoro.

<sup>121</sup> Bana ba Bahebère ba bile beng ba dikgoro ka leubeng la mollo leo ebole le sa kgonago go ba tšhuma.

<sup>122</sup> Daniele o bile mong wa dikgoro tša manaba mo molomong wa ditau tšeó di bego di sa kgone go bulwa go mo ja.

<sup>123</sup> Simisone, nako ye nngwe a swerwe ka go... Sehlopha sa batho se mo ageletše ka toropongkgolo. Gomme, ge a dirile, o gogile dikeiti tše kgolo tšela go tšwa maswikeng, a di bea godimo ga magetla a gagwe gomme a sepelela godimo ga ntlhora ya thaba. Gobaneng a be a le? O be a sa le ka kgweranong, mahuto a gagwe a be a sa lekeletše go yena. Tshepišo e be e sa le gona, “Gomme o tla ba mong wa dikgoro tša lenaba la gagwe.” Amene. Nnete, nnete.

Bohle ba ba hwile, bahlabani ba bakaone ba tumelo. Bohle ba hwile.

<sup>124</sup> Morago go tla go lefelotiragalo Peu ya godimodimo ya Abraham, Peu ya bogoši, ya godimodimo, Peu ya bogoši, Jesu Kriste, yo a bego a le Morwa tumelo ya Abraham; yo a mmonego ka tumelo, ka tshepišo ya Modimo, gore o tla šegofatša bohle, go

ba tatago ditšhaba tše ntši. Peu ya gagwe ya godimodimo e tla go lefelotiragalo.

<sup>125</sup> Ba bangwe ba ba dirile eng? Ba bile beng ba dikgoro tša ditan, dikgoro tša mollo, dikgoro tša lewatle, dikgoro tša toropokgolo. Gomme mogohle ba tlago, ba be ba kgona go ba beng ba dikgoro gobane ba be ba e tshepišitše. Eupša, ge go etla go lehu, bohole ba ile ba swanela go hwa.

<sup>126</sup> Bjale mo go tla Peu ya bogoši godimo. Ga se feelsa gore O be a le mong wa dikgoro tša lenaba, eupša O hutše dikgoro tša lehu, hele, le lebitla, o tsogile ka letšatši la boraro gomme a bula tsela; a kgeila seširo go tloga godimo go ya fase, gomme a direla monna yo mongwe le yo mongwe goba mosadi yo a bego a kganyoga go tla go Yena tsela, a kgone go tla. O hutše dikgoro. Ga se A dira feelsa seo; eupša bao ba hwilego, ka tumelo, O išitše bothopša bothopša, o rotogetše Godimo, gomme o file dimpho go batho. Yeo ke Peu ya godimodimo ya Abraham. Yeo ke Peu ya bogoši, Jesu Kriste, leswao la godimodimo. Elelwang, e be e le leswao la neng le neng, leswao la kagodimogatlhago la neng le neng, Jesu o be a le. O tsogile go tšwa bahung, ga se tša kgona go Mo swara. Lehu, hele, le ge e le lebitla, ga se tša kgona go Mo swara.

<sup>127</sup> Bahebere 13:8, bjalo ka ge ke boletše, “O a swana maabane, lehono, le go ya go ile,” go laetša, go laetša leswao le la godimodimo ka go lebaka le.

<sup>128</sup> Šetšang, a re tšeeng tsela ya Abraham, feelsa nakwana, sekai sa peu ya gagwe. Abraham, moprofeta, šetšang. Modimo o be a boletše le yena ka ditsela tše ntši ge e sa le a tlogela Kaladea, toropokgolo ya Uri. O sepetsa mmogo. Gomme Modimo o be a mmontšitše maswao a mantši a magolo, a tšweletše go yena, o mmontšitše mehuta yohle ya dilo tše di tla diregago, o mmoditše se se tla diregago. Dilo tšohle tše A mmoditše. Eupša pele a amogela morwa wa gagwe wa tshepišo, o be a eme kgauswi le dikgoro tša Bantle, feelsa ka godimo ga Sodoma. Gomme pele a amogela morwa wa gagwe—wa gagwe wa godimodimo, goba morwa wa gagwe yo a bego a swanetše go tswalwa e le morwa wa godimodimo, ka nnete, pele a mo amogela (e sego Yena wa bogoši bjale), eupša, pele a mo amogela, o amogetše leswao la godimodimo.

<sup>129</sup> E be e le eng? Modimo o tlide fase go yena, ka sebopego sa Monna. Elang hloko Monna yola yo a boletše le yena, yo a emego ka tenteng mo a bego a le gona gomme a dira leswao la godimodimo.

<sup>130</sup> Gomme ge Morwa wa gagwe wa godimodimo a tlide go lefelotiragalo, Morwa wa gagwe wa godimodimo o dirile leswao la go swana, go bontšha gore O be a le Peu ya godimodimo ya Abraham. Letago!

<sup>131</sup> Gomme O tshepišitše selo sa go swana mo matšatšing a mafelelo. A le bona se ke se rago? Abraham, pele, feelsa pele

morwa wa tshepišo a fihla; bjalo ka ge re lebeletše bjale, Peu ya Abraham, Peu ya bogoši. Yeo e be e le peu ya tlhago; ye ke Peu ya bogoši. Ge peu ya tlhago e hweditše leswao la bona, ba—ba le ganne; kafao go ba le, gotla . . . e sego selo eupša Peu ya Bogoši, go le bjalo peu yela ya kereke e tla E gana gape. Ka mehla ba e dirile. Eupša, elang hloko, ke mohuta ofe wa leswao o bilego?

<sup>132</sup> A re nong go lebelela gomme re bone gore leswao la godimodimo e be e le eng. Go be go le Monna yo a tliego godimo, ba bararo ba bona. Gomme a le etše hloko, ge—ge Abraham a bone banna ba bararo ba etla, o ile ntłe gomme o rile, “Morena wa ka, a O tla feta hleng le nna? Etla ka gare gomme o dule fase. A nke ke ge meetse a mannyane gomme ke hlatswe maoto a Gago. Gomme ke tsee lerathana la borotho, morago o ye pele ka leeto la Gago.” O bone ba bararo ba etla, gomme a bitša ba bararo, yo Motee, “Morena.”

<sup>133</sup> Loto, kereke ya mehleng, tlase—tlase kua ka Sodoma, o bone ba babedi ba etla, gomme o rile, “Barena ba ka.”

<sup>134</sup> Abraham o tsebile “ba bararo ba ke batee.” Gabotse go bile yo Motee feela, wa bona. Šetšang, ba babedi ba bona ba ile tlase ka Sodoma, gomme yo Motee o šetše le yena. O rile, “Morena wa Ka.” Elang hloko yo Motee yo a šetšego le yena; Abraham, e lego seswantšho sa babilėtšwa ntłe, e sego ka Sodoma, bakgethiwa ba iri yeo.

<sup>135</sup> Bjale, elelwang, Bantle ba be ba lokišetša go tšhungwa, go no swana le ka fao go lego bjale. Lefase la Bantle le swanetše go senywa ka mollo. Re tseba seo.

<sup>136</sup> Bjale šetšang leswao la godimodimo. Modimo o tlie fase ka sebopego sa Monna gomme a dira leswao, ka magetla a Gagwe a šotologetše tente, gomme a botšiša fao Sarah a bego a le gona. Gomme Abraham o rile, “O ka tenteng ka morago ga Gago.”

<sup>137</sup> Gomme O rile, “Ke ya go go etela go ya ka nako ya bophelo.” Šetšang gore “Nna,” le a bona, “Ke tla go etela.”

<sup>138</sup> Gomme, šetšang, ga se A mmitša Abram. Feel a matšatši a se makae pele ga fao, o be a le Abram. Eupša Modimo o fetotše leina la gagwe, ka Moyeng, a bolela le yena. Eupša Modimo šo ka nameng; o be a sa tso ja namane yeo Abraham a e bolailego, a enwa maswi go tšwa kgomong, le go ja borotho. Nagana ka yona. Monna, diaparo tša lerole, maoto a ditšila, amene, Modimo!

O re, “Yoo e be e se Modimo.”

<sup>139</sup> Abraham o rile E be e le, o rile O be a le “Elohim,” yo Motee yo a hlotšego magodimo le lefase, Yena Molekanelo Gohle, Modimo ka sebopego sa motho. Amene.

<sup>140</sup> Gomme O dirile leswao go Abraham, go mo dira a tsebe gore, gore lefase la Bantle le be le bofelong. Gomme O be a le Peu yela ya godimodimo. O rile, “Sarah o kae?”

O rile, “O ka tenteng ka morago ga Gago.”

O rile, “Ke ya go go etela go ya ka nako ya bophelo.”

<sup>141</sup> Gomme Sarah o dirile se sengwe. O bile mohuta wa go sega. O rile, “Gobaneng Sarah a segile, a re, ‘Dilo tše di ka se kgone go ba?’” O ile a bona megopoloye e bego e le ka monaganong wa Sarah, ka tenteng ka morago ga Gagwe. Gomme o be a tseba gore yoo e be e le Modimo.

<sup>142</sup> Bjale lebelelang. Jesu, ge A etla lefaseng, O be a le Peu yela ya godimodimo. Gomme, ge A etla, O tsebišitše batho sona selo sa go swana. A yeo ke nnete? Bjale, go tsebeng gore nako ye ya bofelo e be e etla, gomme o rile, “Dilo tše Ke di dirago le tla di dira go swana, gobane Modimo o rile Ke ya go le fa la Gosafelego, leswao la neng le neng.” Amene. Go ne leswao la godimodimo.

<sup>143</sup> Lebelelang mohlala wa kereke. E tlie godimo ka Luther, Wesley, Mapentecostal, dikerekemaina. Re bile le dikutollo le mehuta yohle ye mengwe ya dilo. Re bile le go bolela ka maleme. Re bile le dimpho tša phodišo. Re na le se sengwe le se sengwe se a bonagatšwa.

<sup>144</sup> Eupša, lebelelang, thwi mo nakong ya bofelo, pele ga go swa le go senya, leswao la godimodimo le tšwelela ka sephiri, thwi go lefelotiragalo gape pele ga rena, amene, Modimo Yenamong. E sego motho, eupša Modimo o dirilwe go bonagala; leswao la godimodimo, leswao la neng le neng, leswao la Gosafelego, leswao la godimodimo, Modimo o bonagaditšwe nameng! Leswao la go swana leo Morwa wa Gagwe a le dirilego, Morwa wa Gagwe wa godimodimo o tshepišitše go swana mo bofelong, “Bjalo ka ge go bile bjalo matšatšing a Sodoma, go tla ba bjalo ka go Tleng ga Morwa wa motho.” Leswao la godimodimo le tla bowa.

<sup>145</sup> Re bile le dilo tšohle tše dingwe tše, tsela ya Peu ya bogoshi ya Abraham e tlie godimo ka tsela ya go swana yeo Abraham a tliego godimo.

<sup>146</sup> Eupša feela pele ga go senya ga lefase, leswao la godimodimo le swanetše go tšwelela gape, la Gosafelego, leswao la tsogo ya gosafelego leo le netefatšago gore Peu ya bogoshi e be e ka se kgone go bolawa boka Daniele le boka baprofeta ka moka ba bile. Lebitla ga se le kgone go Mo swara. Gobane O... Ba bangwe ba fentše dikgoro tša lenaba, bjalo ka mollo, le tau, le—le tšoša, le go ya pele. Ba fentše tše. Eupša Peu ye ya bogoshi e fentše lehu, hele, le lebitla. Ga go selo se bego se ka kgonago go Mo swara. Ka baka la eng? Ke leswao la godimodimo la go ya go ile! Leswao la godimodimo ke eng? Tsogo ya Jesu Kriste, morago ga go hwa lebaka la mengwaga ye dikete tše pedi, o sa eme magareng ga rena, go swana le ge A dirile nako yela, a iponagatša Yenamong ka Kerekeng ya Gagwe, ka nameng ya motho. O a swana maabane, lehono, le go ya go ile. Amene.

<sup>147</sup> “Kgarebe e tla ima. Gomme go tloga nako yeo, Modimo le motho ba tla ba batee, ba kopane mmogo,” la neng le neng, leswao la Gosafelego, leswao la godimodimo.

O a phela, O a phela, Kriste Jesu o a phela  
lehono!

O ka no mpotšiša ke tseba bjang O a phela? O  
phela ka gare ga pelo ya ka.

<sup>148</sup> Ke Mmona magareng ga rena. Peu yohle ya Gagwe ye e kgethilwego e tla e bona. Ee, mohlomphegi.

<sup>149</sup> Bakgethiwa ka letšatšing la Gagwe ba e bone. Bakgethelwapele ba ile ba swanela go e bona. Magareng ga gosedumele, ba be ba sa e dumela. Ba dutše thwi magareng ga basedumele gomme ba sa ipoletše yona phatlalatša, “Ya, Wena o Morwa wa Modimo, Kgoši ya Israele.” Oo, nna!

<sup>150</sup> Thwi ka gare magareng ga dikete tša basedumele, monna yo motee, ka leina la Simone Petro, o sepeletše ntle. Gomme O rile, “Leina la gago ke Simone, gomme o morwa wa Josefa.” E be e le eng seo? Leswao lela la godimodimo. Go be go le Moprefeta a eme fao, go be go le leswao la godimodimo, gomme Simone Petro o le amogetše go sa kgathale se e ka ba mang a se boletšego. Mphenyašilo yo mogolo wa kgale wa tšitšiboya o bile kwana ye boleta pele ga Modimo.

<sup>151</sup> Elang hloko, go bile le Nathaniele, morutiši, serutegi ka nnete, yo a dumetšego Modimo. Gomme Filipi o ile godimo le go mo tliša morago go tšwa go toropokgolo ya gagwe—ya gagwe, a mo tliša godimo. Ge a etla moo Jesu a bego a eme, Jesu o rile, “Bonang Moisraele ka nnete, yo ka go yena go sego bomenetša.”

<sup>152</sup> O rile, “Rabi, O ntsebile neng? Se se a makatša. Ke kwele borakgolo-khukhu-khukhu-khukhu ba ka ba bolela ka *Semangmang* le *Semangmang*, moragorago. Ga se ka ke ka kwa ka yona ka go ya ka . . . O ntsebile bjang?”

<sup>153</sup> Jesu o rile, “Pele Filipi a go bitša, ge o be o le ka tlase ga mohlare, Ke go bone.” Leswao la godimodimo! Amene. Baprista le borabi ba be ba fedile. Go be go le leswao la godimodimo la Modimo. Ee.

<sup>154</sup> O ile a swanela go ya go feta Samaria. Elelwang, go ne merafo ye meraro ya batho; Hama, Seme, le batho ba Jafete. O ile a feta Basamaria. Go tlie mosadi yo monnyane ntle, sedibeng, go ga meetse. Jesu, ka pela ge A boletše le yena, o rile, “Ntlišetše seno.”

<sup>155</sup> O rile, “Ga o na selo go ga ka sona,” le go ya pele. Gomme poledišano e ile pele. Ba boletše ka bothata bja semorafe, le go ya pele.

<sup>156</sup> Ka morago ga lebakana, O rile go yena, “Sepela o tšee monnamogatša wa gago gomme le tle mo.”

<sup>157</sup> Bjale o rile, (“Monna yo o leka go ba yo mokaone le nna,”) le a bona, “Ga ke na le monnamogatša yo a itšego.”

<sup>158</sup> O rile, “O boletše therešo. O bile le ba bahlano, gomme yo o dulago le yena bjale ga se monnamogatša wa gago.” Leswao la godimodimo!

<sup>159</sup> Mo theetšeng, “Mohlomphegi, ke a bona gore Wena o Moprefeta,” leswao la godimodimo, ponagalo ya Lentšu bakeng sa letšatši leo. Šetšang. “O Moprefeta, eupša ga ke bone ka Beibeleng moo moperfeta e ka ba ofe a swanetšego go ba nakong ye. Eupša re lebeletše Mesia, gomme, ge A etla, O tla bonagatša Lentšu la Modimo le le tshepišitšwego. Yoo e tla ba Yena.”

<sup>160</sup> Mosadi yo monnyane yola wa go šokiša o tsebile bontši ka ga Modimo go feta seripa sa bareri ba letšatši, ka go leemo lela. Gobaneng? O be a kgethetšwepele go yona. Ge Seetša sela se e ratha, peu yela e tla Bophelong. O ka se kgone go e uta. Aowa.

<sup>161</sup> Lebelelang Nathaniele, o be a sa kgathale—o be a sa kgathale ke mang a emego fale. O eme thwi pele ga moprista wa gagwe le bohole, o rile, “Rabi, Wena o Morwa wa Modimo. Wena o Kgoši ya Israele ye re e lebeletšego.” O bone leswao la godimodimo.

<sup>162</sup> Mosadi yo monnyane yo, ka bogareng bja bothata bjhohle a bego a le ka go bjona, o kitimetše fase go kgabola toropokgolo, gomme o rile, “Tlang le bone Monna yo a mpoditšego se ke se dirilego. A yo ga se yena Mesia? A seo ga se se re se lebeletšego?” Leswao la godimodimo!

<sup>163</sup> Bjale, elelwang, Bantle ga se ba tsoge ba se hwetša nako yela, eupša ba swanetše go se amogela ka baka la gore Modimo a ka se kgone go fetola tšwetšopele ya Gagwe. O swanetše. Elelwang, O e tshepišitše. O rile O tla e dira. O tshepišitše O tla e dira. Gomme mo matšatšing a mafelelo, O tla e dira. Jesu o boletše bjalo, “Bjalo ka ge go bile bjalo matšatšing a Sodoma, ka fao go tla ba bjalo ka go tleng ga Morwa wa motho.” Re a tshepišwa, ka matšatšing a mafelelo, go ya ka Maleaki 4, gore yo mongwe o tla tsoga mo matšatšing a mafelelo yoo a tla lekago go tliša morago, le go šikinya morago go tonya gohle le metlwae yohle ya bona, le dilo, “le go bušetša Tumelo ya batho morago go botate ba boapostola gape, go Lentšu la setlogo.” Ee.

Le re, “Yoo e be e le—yoo e be e le Eliya ka go Johane.” Oo, aowa, aowa.

<sup>164</sup> Eliya nakong ya Johane e be e le Maleaki 3, “Ke roma motseta wa Ka pele ga sefahlego sa Ka.”

<sup>165</sup> Ka gore, ka pela ka morago ga ge seprofeto *se se ile pele*, lefase lohle le be le tšhumilwe. Mengwaga ye dikete tše pedi e fetile, gomme lefase ga se la swa. “Gomme baloki ba sepelela ntile leroleng la—la molora wa ba babe.”

<sup>166</sup> Ngwanešu, kgaetšedi, re phela ka matšatšing a disuphamakete, ditšete tša godimodimo, ditselalephefo tša godimodimo, mehlobo ya godimodimo, se sengwe le se sengwe sa godimodimo gape. Gomme go ne leswao la godimodimo! Re

bile le leswao la bodumedi. Re bile le leswao la ditsošeletšo. Re bile le leswao la go tla mmogo. Re bile le leswao la go bolela ka maleme. Re bile le leswao la go fodiša balwetši. Re bile le maswao a ohle.

<sup>167</sup> Eupša, go le bjalo, re hwetša ka Beibeleng gore, leswao la mafelelo pele Morwa wa tshepišo a fihla, e be e le leswao la godimodimo. Jesu o rile, “Bjalo ka ge go bile nako yela; pele Morwa wa tshepišo a fihla gape, leswao lela la godimodimo le tla tla lefaseng gape.” Ke tsebiša go lena, bošegong bjo, Leineng la Jesu Kriste, le lefaseng bjale. E sego feela leo, eupša le thwi fa magareng ga rena bošegong bjo. Moya wo Mokgethwa, leswao la godimodimo la Modimo, Jesu Kriste yo a tsogilego, Le ka se kgone go šitwa. Ke leswao la Gosafelego. Le ka se tsoge la fetoga. “Magodimo le lefase di tla feta, eupša Leo le ka se tsoge la fetoga.” Ke la ka Gosafelego, leswao la ka gosafelego, Modimo o bonagaditšwe ka nameng ya motho. Modimo o itirile ka Boyena go tsebjia ka nameng ya motho.

<sup>168</sup> A le dumela seo go ba Therešo? [Phuthego e re, “Amene.”—Mor.] Ka pelo ya gago yohle, o a e dumela? [“Amene.”] O se itswalelele wenamong boka pshinyaleraga ka legaping. Ge eba go ne pshinyaleraga e ka ba efe ka go wena, ntšhetša legapi ntle. A nke Moya wo Mokgethwa o tle ka gare. O se ke wa itswalelela ka bowena go thutotumelo ye e itšego goba kerekeleina. Ngwanešu, kgaetšedi, iri e fihlike. Ke a dumela gore Modimo o dirile bontši bjo A yago go bo dira. Selo sa go latela ke tiro ya kereke goba e ka ba re ya go lahlega.

<sup>169</sup> Ke no kgopela e ka ba mang go ganetša seo go ba bjalo. Ke e kgopetše go dikologa le go dikologa lefase, gomme ga go nako e tee yo mongwe le yo mongwe a nago, e ka ba mang a kilego a e leka. Ba tseba bokaonana. Ba tseba bokaonana, ka gobane ke Lentšu, gomme Modimo o netefatša Ke Lentšu la Gagwe. Gona gobaneng o sa e amogele? Amene. Ge e le nako, o se e time botelele kudu.

<sup>170</sup> Batho ba bantši ba nyakile go amogela Jesu. Ba naganne ba be ba tla e dira, “ka go nako tsoko ye nngwe ya maswanedi,” yo mongwe o boletše. Ba nyaka go amogela Kriste, eupša ba e beela thoko botelele kudu. Ba bangwe ba bona ba lekile go Mo tloša diatleng tša bona, le go leka go e hlatswa ka meetse, go fetišetša go yo mongwe gape, eupša e thunyeditše morago.

<sup>171</sup> E diatleng tša gago, bošegong bjo, e lahletšwe thwi morago ka difarong tša gago! Bahebere 13:8, go sa kgathale ke Khansele ya Dikereke tše kae re nago le tšona, o sa dutše bjalo ka “Jesu Kriste wa go swana maabane, lehono, le go ya go ile.” “Mediro ye Ke e dirago!” Ge—ge Bophelo bja Gagwe bo le ka go wena, bo tla bonagatša Jesu Kriste. Amene.

<sup>172</sup> Bjale lena bohole le ka se kgone go ba batee bao, eupša le ka kgona go ba karolo ya seo, ka tumelo ya lena.

<sup>173</sup> Bohle ba bona ba be ba ka se kgone go ba Jesu, ge ba be ba le lefaseng, eupša ba be ba kgona go Mo dumela le go amogela molaetša. Go bile Moshe yo motee, Eliya yo motee, Noage yo motee, go theoga, ka mehla go bile seo, eupša ka moka ga bona ba be ba ka kgona go e amogela. Gomme ba ka be ba se ne bodiredi ntle le ge go ka be go be go le yo mongwe a bo dumelago. Jesu o be a ka se be le bodiredi ntle le ge yo mongwe a bo dumetše. Paulo o be a ka se be le bodiredi ntle le ge yo mongwe a bo dumetše.

<sup>174</sup> Moya wo Mokgethwa ga o ne bodiredi ka Lentšu, lehono, ntle le ge yo mongwe a rata go ya kgole go tloga go thutotumelo ya bona le go tla morago go Lentšu gape, ga go kgathale ke gabotse gakaakang e lego fa le ka fao e lego kgonthe fa. E fa bjale. Ke a tseba e fa. Ke ikwela yona. Ke a tseba e fa. Lentšu le re e fa. “Kae kapa kae mo ba babedi goba ba bararo ba kgobokanego Leineng la Ka, Ke magareng ga bona.” Gomme ka therešo ke a dumela gore O mo, “wa go swana maabane, lehono, le go ya go ile.”

<sup>175</sup> Oo, ge nka kgona go hwetša tabarenikele ye nnyane ye... ke a le rata. Gomme ga ke dumele go na le monna lefaseng yo nka kgonago gore ke mo ratile bokaonana bjo bo itšego go feta Jack Moore, gomme, yeo ke nnete, Young Brown, le Lyle, le banna ba fa. Ke badile athekele lehono, yeo Anna Jean a e ngwadilego, ke be ke eya go kgopela tumelelo ya gagwe go e gatišagape, ka dilo tše botse tše ba ka kgonago go di bolela. Gomme—gomme, lebelelang, eupša ge le sa phafoge, ka pela, go ya go ba thari kudu. Life Tabernacle, ke nna karolo ya lena, gomme ke ka baka leo ke goeletšago. Ngwaga ka ngwaga, ke e hwetša e fola. O ka no se e lemoge, o phela thwi ka go yona, eupša dula tšhemong gomme morago o bowe morago ka megopoloo ya ngwaga pele. A ga se ka le botša seo ntle kua ka tenteng ye nnyane yela, bošego bjo bongwe, “Go tloga iring ye go ya pele”? Ke boletše eng ka Shreveport ge mosadi yola a mpha lengwalo lela la ditšhila nako yela?

<sup>176</sup> Elelwang se ke se boletšego nakong yela ka United States, mengwaga ye meraro goba ye mene ya go feta, ye mehlano, morago ba kitima gohle go kgabola maphephe? Ke rile, “Ngwaga wo United States e tla amogela Ebangedi goba ba ka se tsoge ba e dira.” Ba boletše ge e sa le go tloga nako yeo. Gomme go ka se tsoge gwa ba le tso—tso tsošeletšo ye kgolo ka Amerika gape ka mokgwa woo. Ge le ntumela go ba moprefeta, le a elelwang le Lentšu la Morena. E nong go šetša le go bona ge eba ga le hwe. Dikereke di a hwa. Di a pona. Gomme go a mpolaya, ka gare ga ka, go tseba gore, banna le basadi ba ke ba ratago bokaonekaone go feta ka mo ke ratago bophelo bja ka mong, ba ke ba filego bophelo bja ka.

<sup>177</sup> Ke tlide magareng ga lena bjalo ka ngwanabolena, e sego Modimo wa lena, ngwanabolena; e sego lenaba la lena, ngwanabolena! Ke le boditše Therešo, gomme Modimo o boletše go swana. Ka Lentšu le lengwe le le lengwe ke le rerilego, O

Le begile go ba, Therešo tlwa. Gona gobaneng o sa E amogele, ngwanešu, kgaetšedi? Ka go lerato la Jesu Kriste, gobaneng o sa E amogele? Ge le ka no dumela Leo go ba Therešo, nno Le amogela go ba Therešo, seo ke sohle ke le kgopelago go se dira.

<sup>178</sup> A re inamišeng dihlogo tša rena feela nakwana. Ke ya go ema fale go tšona dinoutse thwi fale. Ke rile ke be ke eya go dira pitšo ya aletara, le go dumelela Billy Paul go fa ntle dikarata tša thapelo. Re be re se na le dikarata tše di itšego tša thapelo, bošegong bjo, go be go le thari kudu go di fa ntle. Ke—ke lebetše tshepišo ya ka. Ke tla ba le yena fa gosasa bošego, e ka ba ka iri ya boselela. Ga re hloke dikarata tša thapelo, golebjalo. Ka mehla ke lekile go le tloša go motlwaе woo, ka mehla go bea diatla godimo boka Bajuda ba dirile. Jairo o rile, “Etlia o bee diatla tša Gago godimo ga morwedi wa ka gomme o tla phela.” Moroma o rile, “E no bolela lentšu,” yeo e be e le tsela ya Bantle ya go le dumela.

<sup>179</sup> Ge ke le boditše Therešo, bjale theetšang tlhohlo ye; ge ke le boditše Therešo, gona ke swanetše go ema fa mo sefaleng se pele ga lena le go le botša se. Gomme ke botse bofe e bo dirago go le botša, ge Modimo a se ka go yona? Gomme ge e le Therešo ya Modimo, O—O tlamegile go E thekga. O swanetše go Le thekga. O tshepišitše O tla dira.

<sup>180</sup> Eupša a—a re ya go dula bogatsu boka? A Moya... A ke “Ichabod” ka Life Tabernacle? A seo se ngwadilwe go kgabaganya tabarenakele? A seo se ngwadilwe go kgabaganya dikereke tšeо ke bego ke di etela go kgabaganya setšhaba? A go leswiswi kudu le bokoto bjale gore yola “yena fa le yo mongwe fale; yo mongwe ka tshemong, ‘Ke tla tšeа o tee,’ gomme mohlomongwe o tee godimo go kgabaganya lehlakore le lengwe la lefase, gomme, ‘Ke tla tšeа o tee’”? “Bjalo ka ge go bile ka matšatšing a Noage, fao disoulo tše seswai di pholositšwego ke meetse, go tla ba bjalo go tleng ga Morwa,” a re fihlile lefelong leo?

<sup>181</sup> A bodiredi bja Jesu Kriste, mo letšatšing le, bo phethennwe ka letšatši lela A bilego fa ge A rerile pele? Ge A be a le Moprefeta yo moswa wa Galelia, yo mongwe le yo mongwe o be a Mo nyaka ka kerekeng ya bona, ge A fodišitše balwetši, le se sengwe le se sengwe. Eupša ge A ile go profeta le go ba kgalema, le go ba bitša “sehlopha sa marabe,” thwi nako yeo O thomile go fefoga, gomme mafelelong a išwa go ya papolong ya Gagwe, polaong.

<sup>182</sup> Eupša, elelwang, O bile le bodiredi bjo bongwe, O rerile go balahlegi ba ka Gosafelego le go lahlwa, bao ba sego ba sokologa ka matšatšing ao ba bilego le sebaka sa go sokologa. A bodiredi bjola bo tla bowa ka mokgwa woo, gore bodiredi bo tla tšwelapele go ya pele go batho ba ba lahlegilego le go lahlwa, moo go sego kgaogelo go ba hweletša yona? Naganang ka yona, go ka reng ge e ka kgona...

<sup>183</sup> O re, "A ke yona, Ngwanešu Branham?" Ga ke tsebe. Go ka no ba thari go feta re nagana.

<sup>184</sup> Ge o bona moriti wa e ka ba eng, o tseba se e tla bago ge e le phosithifi. O bile le diatla tša gago godimo, gomme o bona menwana ye mene, menwana ye mehlano, e ka ba eng seatla sa gago se tla bago ge nekethifi e dirwa phosithifi, seo ke se se lego ka go moriti.

<sup>185</sup> Dumelang, bagwera. Oo, Modimo a le thuše! Nna, ke makga a makae . . . Le ntheketše disutu tša diaparo. Ke na le, ntle mošola bjale, dimpho, mapokisi a dipompong, dikgamelotša sirapo. Ebile le file, lapa la ka—la ka, ditoulo; bana ba ka, diaparo. Le mphepile. Le dirile se sengwe le se sengwe le ka kgonago go se dira. Gomme bjale a nke ke le direle se sengwe. A nke—a nke—a nke re dumelele . . .

<sup>186</sup> Oo, ge Modimo a ka no kgora go phuleletša ka gare, ka tsela ye nngwe, gonabjale! Go lena lebatong la ka godimo, lebatong la ka fase, kae kapa kae le lego, ka bophagamong, ge Modimo a sa thekge se ke se bolelago, gona ke akeditše. Eupša ge A se thekgä! Ke a tseba le bone dikekiso tše ntši tša senama, eupša seo se swanetše go dira selo sa kgontha go phadima bokaonana go wena. Eba le tumelo, gomme o dumele.

<sup>187</sup> Nnete, ga go na karata ya thapelo ka moagong. Ge go na le, phagamiša seatla sa gago, e ka ba mang a nago karata ya thapelo go tšwa kopanong ye. Le a bona, ga go yo motee. Eupša go na le batho ba go babja ba dutše mo. Gomme ge Moya wo Mokgethwa, thwi mo sefaleng se, o tla utolla le go ya go kgabola batheeletsi ba le go dikologa go kgabola mo go lena batho . . .

<sup>188</sup> Hlokamelang se Beibele e se boletšego. Leswao la godimodimo ke eng? Ke Lentšu le le dirilwego go bonagala ka go lebaka le lengwe le le lengwe. A yeo ke nnete? Gabotse, gobaneng ba sa kgone go dumela Jesu? Ge, Bahebere 4 e boletshe gore, "Lentšu la Modimo le a phela, le maatla kudu go feta tšhoša ya magalemabedi, le ripa go aroganya." Ke ge Le rerwa ka maatleng a Lona, Le ripa la go ja le la nngele, magalemabedi, le ripa ditsela bobedi. Ke eng? "Le ripa thwi go fihla mokong wa lerapo." Gomme ke eng gape le se dirago? "Le hlatha dikgopolotše di lego ka pelong."

<sup>189</sup> Jesu a eme fale, gomme seprofeto sa Gagwe se ripa bona batho ba bodumedi ka diripana, le go ba bitša "sehlopha sa bodiabolo," godimo ga batho; le go llela tshwarelo ya bona ge ba Mmapotše.

<sup>190</sup> Bjalo ka ge Ngwanešu Jack gatee a boletshe, o dirile tshwayo, "Bana ba Gagwe Mong ba llela Madi a Gagwe." Yeo ke nnete.

<sup>191</sup> O be a leka go ba pholosa go tšwa heleng ya diabolo. Gomme ge ba bone tlhatho yela e eya pele, gobaneng ba sa tsebe, ba a tseba leo e be e le leswao la godimodimo la Modimo? Lebaka la go swana kereke e sa le tsebegoo lehono. Eupša e ka ba kae

Seetša sela se bethago go peu yela e kgethetšwegopele, e tla tla Bophelong. Ee, ka mnete, o ka se kgone go e thibela.

<sup>192</sup> Letšatši la tša lefaufau godimo kua, l-e-t-š-a-t-š-i, le na le taolo ya bophelo bjohle bja dimela. Ge peu e robetše fale gomme letšatši lela le e ratha, e tla tla bophelong. Ee, mohlomphegi.

<sup>193</sup> Gomme M-o-r-w-a wa Modimo ke molaodi wa Bophelo bjohle bjo Bosafelego. Gomme ge o na le peu ya Bophelo ka go wena, ngwanešu, ge M-o-r-w-a yola a ratha fale le go go bontšha se A lego, go tla Bophelong. Ga go na tsela ya go e thibela go yona.

<sup>194</sup> O a dumela bjale. Dumela feela. Eba le tumelo ka go Modimo ge ka tlhomphokgolo re rapela.

<sup>195</sup> Tate wa Legodimong, mo go robetše pele ga ka mo sehlopha sa mašela, disakatuku. O Modimo, yo mongwe le yo mongwe o dumela Wena bjalo ka mofodiši. Nnete. Batho bohole ba Ebangedi ya go tlala ba dumela Wena ka tsela yeo. O mofodiši, gomme O botho kudu le go ba gaogela. Thwi ka diiring tša go bapolwa ga Gago, O be o sa fodiša, o bušeditše tsebe ya—ya molaolalekgolo wa Roma morago gape, yeo Simone a e kgaotšego ka tšoša ya gagwe. Lenaba le le bego le etla go Go tšea, O be o sa le botho le kgaogelo go fodiša. O sa dira selo sa go swana.

<sup>196</sup> Eupša, Morena, a mahlo a batho a ka kgona go bulega le go bona se re lekago go ba botša sona, gore ke—ke nako ya bofelo! Ke a rapela, Modimo, ke a rapela Leineng la Jesu, a nke e direge bošegong bjo, Morena. A nke Life Tabernacle e tšee leina la yona bošegong bjo, Bophelo, Bophelo bjo Bosafelego. Sehlopha ka moka se se lego ka tlase ga folaga ya sona mo bošegong bjo, a nke Bophelo bo tle, ka bottlalo.

<sup>197</sup> Ka morago ga ge Lentšu le beilwe ntle mo, feela ka go ba molaleng ka fao Le ka kgonago go ba, tshepišo ya letšatši, O Bo tshepišitše ka letšatšing le. Re lemoga seo, Morena.

<sup>198</sup> Gomme re bana ba Abraham, re tlie godimo, tlase go kgabola boka Abraham a dirile. Go tšwa go kgabaganyeng mošola; boipolelo. Go tla godimo ka go naga e šele; re dirile seo, re bile le dipono le dikutollo, le se sengwe le se sengwe, tša Modimo. Ka fao A boletšego le rena le go re fodiša, le go dira dilo tša go swana A di dirilego go Abraham! Eupša nakong yeo ya bofelo, feela pele ga Morwa wa tshepišo, morago Modimo o bontšhitše se nako ya bofelo e tla bago, ka leswao la godimodimo.

<sup>199</sup> Gomme ka gona Peu ya godimodimo, Jesu Kriste, Peu ya tumelo, e tla fase le go dira selo sela sa go swana mo bofelong bja Bajuda, bjalo ka ge ba dirile kua bofelong bjola.

<sup>200</sup> Gomme bjale mo bofelong bja dilo tšohle, O tshepišitše go tla gape. “Bjalo ka ge go bile matšatšing a Noage, le ka matšatšing a Sodoma.” “Mediro ye Ke e dirago, le tla e dira le

lena.” Ge Bophelo bja Gagwe bo le ka go rena, Bo bonagatša Yena. Bo bonagatša moagi, modiri wa setšweletšwa; mošomo wa gagwe ka mehla o a mmonagatša, yenamong. Gomme Modimo o bonagaditšwe ka go Kriste, “Ge le sa kgone go Ntumela, dumelang mediro.”

<sup>201</sup> Gomme bjale ke a rapela, Modimo, gore O tla fodiša yo mongwe le yo mongwe wa ba bao ke ba rapelelago ka tlhokofalo. Ba fodiše, Morena. E fe.

<sup>202</sup> Gomme bjale, morategi Tate wa Legodimong, ke eme fa. Ke a lemoga nka—nka se kgone go ba tikologong fa botelele kudu, gomme ke bona bophelo bja ka bja tlhago bo nyamalala. Thuša, bošegong bjo, Morena, nako ye tee ye. Gatee gape, Morena, efa gore—gore batho ba tla lebala go go fetilego bjale, le go gatelela go ya mmarakeng wa pitšo ya godimo. E fe, Morena.

<sup>203</sup> Ke ya go Go kgopela go dira se sengwe seo se yago go ba selo se sethata, Tate. Ke lemoga seo. Eupša ke ya go Go kgopela go dumelela Jesu go tla ka go rena. Gomme, Tate, go no ntlotša, go ka se dire botse bjo bontši kudu go phuthego ye ntle le ge O ba tlotša, le bona. Re—re batee, mmogo. Gomme ba tlotše ka tumelo, gore yo mongwe mo . . . Ka nnete go na le yo mongwe o na le tumelo ya go lekanelo go dira seo, boka mosadi yola yoo a kgwathilego kobo ya Gagwe. “Gomme Yena ke Moprista yo Mogolo gonabjale yoo a kgonago go kgwathwa ke maikutlo a mabofokodi a rena,” go laetša gore O sa le leswao lela la godimodimo, Modimo ka go motho, Modimo a šoma ka motho, moserutege le bona ba ba tla itebalago bonabeng, gomme ba no dumelela Moya go šoma ka bona. Go na le basadi ba bannyane ba dutše ka fa, bao ba tlaišegago, mohlomongwe, ka selo sa go swana seo mosadi yola a bilego le sona. Go na le Simon a dutše ka mo, bošegong bjo, Morena, ba—ba barwa ba boJonase, bjalo ka ge go bile. Ba dutše fa. Thuša bjale, Morena, gore batho ba ke ba tsebe.

<sup>204</sup> Gomme araba thapelo ya ka ge ke . . . E sego ka maikutlo; ke a tseba ke maikutlo, eupša ke gohle . . . Ke tshwenyegile, Morena, bjalo ka ge ke bona dilo di eya ka tsela ye di dirago. Go—go a ntapiša gore . . . A batho ba boeile morago go Lentšu, gomme ba lebale ka moka dilo tše tša go makatša tša iri, dikgopololo tše botsebalegi tša lefase; ba tle morago go Lentšu, Lentšu le le bonagaditšwego ka iring bjale ye re phelago ka go yona. E fe, Morena.

<sup>205</sup> Gomme ge re sa ne dihlogo tša rena di inamišitšwe, ke nyaka yo mongwe le yo mongwe wa lena go rapela, feela—feel a gabonolo. Le se . . . E no felang le sware dihlogo tša lena di inamišitšwe gomme e no tšwelapeleng le rapela, o re, “Morena, nthuše bjale.”

<sup>206</sup> Gomme o be le se sengwe ka monaganong wa gago se o nyakago go se rapediša. Gomme ge Morena Jesu a sa phela, gona

ka kgonthe, bagwera, leo e tla ba leswao la godimodimo. Gomme batho ba bangwe ba rile, “Oo, ga go pelaelo seo se ka dirwa, Ngwanešu Branham o ne mpho ye kgolo ya Morena. Gomme ke a dumela, ge a le ka tlase ga tlotšo, ke moperfeta wa Morena, eupša le se theetše Thuto ya gagwe.” Bjale mang kapa mang a ka dirago seo, a ka bolelago seo, gomme a swanelwa go ba serutegi? Mola, leo ke lona leswao gore Thuto e lokilego, go ya ka Beibele.

<sup>207</sup> Gomme ge o le modiradibe, mogobe o letile fale. Ge o se wa ke wa kolobetšwa Leineng la Morena wa rena Jesu Kriste, tebalelong ya dibe tša gago, mogobe o letile. Ge o se wa be wa amogela Moya wo Mokgethwa le bjale, o swanetše go ba le leswao lela la Seka godimo ga gago goba o ka se ye go kgabola Kgoro. O swanetše go ba Bophelo bja Kriste ka go wena.

<sup>208</sup> Bjale rapela gomme o kgopele Modimo go go thuša, ge re rapela bjale. Gomme bokgaetšedi ka go di-di didirišwa fao, “Dumela Feela.”

<sup>209</sup> E no nagana, go tla go theoga thaba go tla Jesu. Feela ka monaganong wa gago wa kelello, go Mmona a etla a sepelela ka mojako, le go sepelela tlase mo le go ema godimo ka phuluphithing mo, gomme a re, “Bana.” E no e eleletša ka monaganong wa gago bjale.

<sup>210</sup> Gomme yo mongwe le yo mongwe eba le tlhomphokgolo ka kgonthe, le go homola ka kgonthe le go rapela. Mogohle, nno tšwelapele o rapela, o re, “Morena Jesu, nkgaogelete. Morena, ke a dumela.”

<sup>211</sup> Tate, Modimo, ba homotše bjale. Nakwana ye ya go ikgetha, ke a dumela gore O fa. Ke dumela gore, Pilara yela ya Mollo ye kgolo yeo e etilegopele Israele go kgabola lešoka, yela e bonagaditšwe nameng. O rile O be a le. “Pele Abraham a bile, KE NNA. Ke tšwa go Modimo, gomme Ke ya go Modimo.”

<sup>212</sup> Ka morago ga lehu la Gagwe, poloko, tsogo, le thotogelo; Paulo o kopane le Yena tseleng, a eya tlase Damaseko. Seetša se segolo se mo rathetše fase. Mohebere yola o be a ka se tsoga a Mmitša “Morena” ge a be a sa tsebe gore e be e le Pilara yela ya Mollo ya go swana. “Wena o Mang, Morena?”

O rile, “Ke nna Jesu.”

<sup>213</sup> Gomme ke Wena yo bošegong bjo, le rena, Bophelo bja go swana ka go rena. Ke a Go leboga bakeng sa Bjona, Tate. Bjale a nke go tsebje gore ke boletše Therešo. Gomme e... Kgarebe yela e ima, go tliša motho le Modimo mmogo, ke leswao la go swana le le lego magareng ga rena bošegong bjo bofelong bja lebaka, leswao la godimodimo. A nke e be gatee gape, Tate. Ke rapela ka Leina la Jesu Kriste.

Bjale nno tšwelangpele le rapela.

<sup>214</sup> Bjale ke tšeela moyo wo mongwe le wo mongwe ka fa ka tlase ga taolo ya ka, Leineng la Jesu Kriste. Bjale ge o nyaka go

rapela, tšwelapele o rapele; ge o nyaka go lebelela godimo, dira e ka ba eng o e ratago bjale. Tšwelapele o swere bopaki bja gago. Tšwelapele o swere tumelo ya gago, ge o rapela.

<sup>215</sup> Ke a bona, ntle pele ga ka bjale, ka go mokgoba wo wa gare mo, mohumagadi yo monnyane, mosadi, a dutšego thwi morago mo, seo se no tliša hlogo ya gagwe godimo; ka mokgobeng wo wa magareng, moragorago go leba morago. O tlaišega ka bothata bja mokokotlo. Ee. A o a dumela gore Modimo o tla fodiša mokokotlo wa gago? O a dira? Go lokile. Seo ke se o bego o rapela ka sona. A yeo ke nnete? Phagamiša seatla sa gago. Bobedi o fodile. Mohumagadi thwi kgauswi le yena o bile le bothata bja mokokotlo, le yena, gobane o phagamištše seatla sa gagwe. Ke e bone e etla go tloga go yena go ya go yena. Bjale, ga ke go tsebe, a ke a, le yo motee wa lena? Eupša seo ke se se bego se lokile. Ge seo e le therešo, emiša seatla sa gago.

Bjale a leo ke leswao la godimodimo?

<sup>216</sup> Fa, thwi ka go lokologa morago mokgobeng *wo*, go la ka . . . lehlakore *le* thwi morago go leba morago, go na le mosadi yo monnyane yo a sa kgonego go metša, le gannyane. Go na le se sengwe sa phošo ka mometšo wa gagwe—ka wa gagwe—wa gagwe. Ga a kgone go metša le gannyane. Eupša o a dumela. O tšwa ka ntle ga toropo. A o tla dumela, kgaetšedi, gore o tla ba gore o tla kgona go metša? A o tla amogela phodišo ya gago? Phagamištše seatla sa gago godimo ge o ka . . . Go lokile, bjale o ka kgona go fodišwa. Bjale, ge seo, ge ke le mosetsebjie go wena, šišinya seatla sa gago ka mokgwa *woo*. Yeo ke nnete, le a bona. Eupša, seo ke se, o be a dutše fale thwi nako yeo a leka go metša. Bjale, metša bjale gomme o ka kgona go metša gabotse. Bona ge eba yeo ke nnete.

<sup>217</sup> A le a dumela gore Morongwa wa Morena o mo? A le dumela seo, leswao la godimodimo? Bona batho, tsela yohle ka moagong. Yo mongwe godimo mo, kgauswi. Ke tla retolla mokokotlo wa ka, go no le dira le tsebe, ka go seswantšho se sengwe le se sengwe, gore Ke Morena Jesu. Ke tla retolla mokokotlo wa ka. Gomme yo mongwe rapela, dumela. Ge o nagana ke go lebeletše, go rata go bala monagano wa gago, goba se sengwe, o no dumela. Ge A ka kgona go bolela se Sarah a bego a rapela ka sona, goba se a bego a se dira ka tenteng ka morago ga Gagwe, ka baka la gore Modimo o bonagaditšwe nameng ya motho, motho yo a bego a ejá, a enwa, leswao! Ke le boditše e be e le leswao la godimodimo.

<sup>218</sup> Ee, monna šo o tla godimo pele ga ka bjale. O eme thwi ka morago ga ka. O thwi morago *mo*. O ya go foufala. Leina la gagwe ke Maclusky. Ge a ka dumela ka pelo ya gagwe yohle, Modimo o tla mo fodiša. Emelela. Ga se nke ka ke ka bona monna bophelong bja ka. Dumela, mohlomphegi.

<sup>219</sup> Go reng ka godimo ka tsela *ye*, a o tla dumela godimo *mo*? A o dumela ka pelo ya gago yohle? O a rapela.

<sup>220</sup> Ke bona mosadi, gomme o tlaišega go tšwa go se sengwe. O nagana ke bolwetsi bja go wa dihwahwa, gobane o a fifalelwa. O tšwa Borwabohlabela, go tšwa . . . O tšwa Florida. Gomme leina la gagwe ke Mdi. Kinney. Ge o ka dumela, Mdi. Kinney, gomme wa ema ka maoto a gago, o tla fodišwa tšona ditlhaselo tša phifalo. Ema ka maoto a gago. Ga se ka ke ka bona mosadi ka bophelong bja ka. Ke mosetsebje wa go felela. Mmotšišeng.

<sup>221</sup> A le a dumela gore Yena ke leswao la godimodimo? Go reng ka karolong *ye*, a le a dumela?

<sup>222</sup> Mosadi a tlaišegago, go nyakile go ba go phuhlama ga megalatšika, thwi godimo ka tsela *ye*. Leina la gagwe ke Mdi. Jones. Ge a ka dumela ka pelo ya gagwe yohle, a ka fodišwa. Mdi. Jones, ge o ka dumela, le go ema ka maoto a gago le go dumela gore Jesu Kriste o go dira o fole, o ka kgona go ba le phodišo ya gago. Yena, mosetsebje wa go felela go nna, ga se ka ke ka mmona ka bophelong bja ka. Modimo o a tseba seo ke therešo.

<sup>223</sup> “Kgarebe e tla ima gomme e tla belega Morwa, gomme Leina la Gagwe le tla bitšwa *Imanuele*, yeo ka tlathollo e lego, ‘Modimo o na le rena,’” Modimo fa ka go rena, leswao la godimodimo la Modimo!

<sup>224</sup> A le a e dumela? Gabotse, re mo nakong ya bofelo. Ge A le mo, gobaneng le sa Mo amogebe bjale? A le bona se se swanetšego go direga? Le bona se se swanetšego go direga? Motho yo mongwe le yo mongwe gonabjale o swanetše go fodišwa ka go felela. Go na le yo Mongwe, go na le Sengwe mo go dira seo. Yo mongwe le yo mongwe o tseba seo.

<sup>225</sup> Modimo ka Legodimong o a tseba ga ke tsebe le o tee wa batho ba. Ke—ke basetsebje ba go felela. Ba botšiše gomme o bone. Ga ke tsebe selo ka bona. Ga ke tsebe gore ke bomang, moo ba tšwago, goba ga go selo.

<sup>226</sup> Eupša ge le ka tšea lentšu la ka bakeng sa yona, ge yeo e le therešo, ke tla bolela gonabjale, go lena, Moya wo Mokgethwa o no dikologa lefelo le go dikologa. Seetsa sela se no ba gohle go dikologa fa. Bjale ge Lentšu le rereša, gomme Lentšu le bonagatšwa pele ga lena, bothata ke eng gore ga re le amogebe? Ke eng sa go latela, ngwanešu?

<sup>227</sup> O bothateng, le wena, se sengwe ka ga, gobaneng, ke mosadimogatša wa gago. Yeo ke nnete. Feela motsotsa go fihla ke bona se e lego. O ipoletše yona, a e ye go yeo.

Ke a go hlohlha go dumela Modimo gonabjale, leswao la godimodimo!

<sup>228</sup> Selo se nnoši ke se tsebago ka mošemane yola, ke šikintše diatla tša gagwe. Nka se kgone go le botša leina la gagwe gonabjale. Eupša seo ke tlwa e lego phošo. Ga ke tsebe seo. Ke be ke le gona letšatši le a nyetšego, eupša se sengwe se diregile. Ga ke nyake go se bolela mo.

<sup>229</sup> Eupša, go lokile, a ga le dumele Modimo? O rile leswao le la godimodimo le tla direga. Ke ba bakae ba nyakago go Mmona? A re boneng seatla sa gago, o re, “Nna, ke tla Mo dumela.” Amene. Lebatong la ka fase, kae kapa kae le lego, godimo ka bophagamong, elelwang leswao la godimodimo la Modimo, Lentšu la tshepišo, le dirwa go bonagala thwi mo lehono pele ga lena, letšatši le.

<sup>230</sup> Jesu o badile Mangwalo, gomme a retologa go dikologa gomme a re, “Letšatši le seprofeto se se phethagaditšwe magareng ga lena.”

<sup>231</sup> Ke re, Leineng la Jesu Kriste, letšatši le leswao la nako ya bofelo le bonagatšwa pele ga lena.

<sup>232</sup> Ke ba bakae ba babbago? Phagamišang diatla tša lena. Leineng la Jesu Kriste, ka Bogoneng bja Gagwe, ge o ka kgona go dumela se o se bonego, go ba Therešo le go tšwa go Modimo, ke go kgopela Leineng la Jesu Kriste, emeleta gomme o E amogele gona, o re, “Ke tla E amogela. Ke tla dira, e tla e rumu bakeng sa ka. Ke a dumela.” Ga ke kgathale moo o lego. Seo ke se sebotse. Emišetšang diatla tša lena godimo bjale. Bjale e nong go fa Modimo tumišo. [Ngwanešu o re, “Disakatuku?”—Mor.] (Ke setše ke di rapeletše.)

<sup>233</sup> Bjale nno Mo tumišang, ema fale. Leswao la godimodimo, leswao la godimodimo thwi—thwi magareng ga lena, leswao la godimodimo la Modimo la letšatši la mafelelo! Amene.

Modimo a go šegofatše, ngwanešu.



*LESWAO LA GODIMODIMO* NST63-1129  
(The Super Sign)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Nofemere 29, 1963, ka Life Tabernacle in Shreveport, Louisiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)